

HIBRU

Hibru yokwowa ya yokwo prieiya Hibrumi iikamim yipiki naingwo tibmiiyim Jisis siiram ya sima winki aeya. Hibru iikamim yim Juda iikamim simiir inig whir ieya. Mi krima ninokninkin tani, ta yokwo aiirin nhinga piyamisi winkiya. Mi inkamin winkiyin siya hiniina kigin Juda simiir iikamim naingwo tibmiiyim kirie rani sima simiir naingwo tibmii wina saiir haiburgigam tirkim simiir biian siyiun Mosesni siyiu komii si napiyin ini siiramar swoki amim. Mi ta yokwowa iikam imiirin min boinkika Jisisin Adi Komii siir yinisimin ini paekwosim ikim mi Moses ini simiir haiburin. Mi ta Jisis siir miya ya ini Mosesni miya saiir kou ywowa. Mi ta Jisis siir nhieya yipiki dimin biyie biyeyim sim haiyoprindiyumiigiya ya ini wraiumi nhieya saiir haibura. Jisis siya omwai hiriir waiyayokiyokiigin. Mi ta hiriinan saiirsika siya simiir asi boinkikin sima Jisis siiram naingwo tibmiiyim yipikin biigibiian prisin inig komiigakin. Iriig.

Yaiya Adi Komii siir yinisimin siya hauuga krimiirin.

1 ¹Bidi bidiniyar in ii whiekakim bidi yamkiyim Adi Komii krimiir Wan in siya siir yayim profet kamim simiir boinmimauugin, siyupai siyupaiyim simiir. Mi ti yayim profet kamim sima ini krimiir brougaeyim simiir hauugiyim. ²Mi ta iya dig kingin nwowi Adi Komii siya ta siir yaiya wi siir yinisim iir hauugi. Mi yio siya wi krimiir swoki kwaboinmamauwu. Adi Komii siya siir bidi yimbiniin siir digworaekwo whiekakim simiir haiyim. Mi biya Adi Komii siya siir boin in mi siya ini siir yai imiirar wakaeyoknan. Mi siya ninomor nu sowiir digworaekwo imiirin asi nonkwokwokikim. ³Ti siir yinisimin Jisis siya krimiir nisiimauugin dimin komii komiiyim paenan niyayiyim Adi Komii siir in, siir yinisimin ini siir Ad in siir hiriinana ywowin. Siir yaiya saeya kiriekaka, digworaekwo whiekakim ninomor nu sowiir in siyar sibgu kigirkaki. Mi siyar naokin paeyin hiiniya niriininkin in siir in, iikamim simiir dimin biyeyim ini siyar haiyoprindiyumiigiyim. Mi siya ha swoki insi in idwonamin mi siya ninomor koua hiriir yam mi siya Adi Komii siir in in iig miya ini idwoiu inkam komii nu kigiraowiy in siir hiriinan. Iriig.

Adi Komii siir yinisimin siya ini paekwosimim simiir haiburim

⁴Dimusi rani, siya ini Adi Komii siir in in iig miya nidwowin mi siya ini paekwosim whiekakim kou hir nwowim simiir haiburim. Mi ti

inigin Adi Komii siya hauuwin siya iriipi hiriinan siya ini paekwosimim simiir inig imiir haiburim. ⁵Dimusi rani, biya Adi Komii siya paekwosim imiirin hiniina bi boinkin,

Kima kariir yinisimkim, panao kara pi hiniina boinki kara kimiir Adgin.

Adi Komii siya paekwosim simiirin hiriinan yai bi swoki boinkin. Niingaka, niinga kiinga. Siya Jisis siirara boinkin. ⁶Biya Adi Komii siya siir yinisim yinhaomiyinin siirin nu tiriir nikropkiyam minin mi siya paekwosim simiirin hiniina boinki,

kima ti kariir paekwosimim kima siir inig iir hainanprapraski.

⁷Mi siya yai nhirim paekwosim simiirin hiniina boinkin, paekwosim sima kariir miyan inkam dwo mi simiir miyim opudnan hugidudu mirii. Mi simiir kirieya paenan diudkwakwa.

⁸Mi siir yinisimin siirin hiniina boinkin, kira ini Adi Komii ywowin kariir hiriinan. Kira inkam komii digworaekwo whiekakim simiir kigriraowiyin wi siir hiriinan nwowi. Hinokiinokin digworaekwo whiekakim kira wi wadieyar sibgu kigriraowi.

⁹Kira wi siyiu miyik miyikim simiiraramar naingwowi mi kira wi dimin biyeyim wi simiiram naingwo rani. Kara kiriir Adi Komiiyin kiriirin wi kara nokmwin okwohaginuiwi, inig komiigak nwowamin mi kira wi maigimaiga komiigakar nwowi. Mi ta maigimaiga wi iikam whiekakim simiir maigimaiga imiir haiburi.

¹⁰Mi Adi Komii siya hiniina swoki boinki, Biyan Inkam Komii, kira bidi bidiniyarin nu ninomoro kiriir iingar nonkwokwoko.

¹¹Mhoiia ninomor nuwo sowa wa digiguski mi ni kira niingaka. Hinokiinokin wi hiriyar nwoyokiyokii mi ninomor nuwo yo wi wro namwoiuiwi yuiis wronan.

¹²Mi yio ini inkamin yuiis kaba nitkaigiiya mi yaeya yuiis win swoki haiiyin mi ha niyiyin ini siir hiriinan ywowin. Mi kira nu ninomoro sowiirin wi hiriinanar mi digiguskii. Mi wi yaeya nu ninomor win swoki onkwokwoki mi ni kira wi hiriyar nwoyokiyokii ami, wi kisina rani.

¹³Biya Adi Komii siya hiniina boinkin, kira wi kariir iina inig miya nidwowi, maeyaua inkam komii siya nidwowiya saiir. Mi kira wi hiriyar nwoyokiyokii mi wi iya kara kiriir sauan omomim simiir nonkwobumbuninkin iuguski wi saiir nadigiuiwi.

Adi Komii siya ti yayim simiirin paekwosimim simiir bi boinkin. Niingaka. Siya siir yinisim iirrarar boinkin.

¹⁴ Mi yipikim paekwosimim, ha? Sima naeyiunankim mi dimin taeminim Adi Komii siya boiniyim sima pa wakaeyokna diriraerari. Mi siya simiirin iikamim naingwo tibmiiyim simiirim yikropki simiir whinkinsiisim Adi Komii siya nimbinim nanmaiwarkainam simiir. Iriig.

Adi Komii siya krimiir swoki anmaiwarkainaei yio dimin komii ieyairgin.

2 ¹ Dimusi rani, Jisis siya Adi Komii siir yinisimkin digworaekwo whiekakim ini siyar kigirkakim mi krima krimiir kwoinau haigi nonkworinu saiirin digiumii kipi haimriiyugi, wim wi ini haniin kima kima priiyakiririrkiisi. ² Adi Komii krimiir Wanin siya biya siir yai nhirim siir paekwosimim simiir boinmauugikin. Mi ta yaiya ha hainamim mi ina boinmimauuwamim. Mi dimin taeminim sima boinmimauuwim ina yimbiamim. Mi iikam nhirim sima ta yaiya saika nantamyiriyiri mi saiir wakaeyokna karam nwowi mi sima dimin biyie tiri mi sima wi hik kimpipisu prasae hai rani, ti dimin biyieyim sima tirim simiirsiyin, dimin biyieyim sima tirim simiir digar swoki haii. ³ Mi hiriinankiniuwi mi krima ta yai komiia Adi Komii siya boina, siya nanmaiwarkainana digiumii saiir haimriiyuwi mi krima wi paniina napiyoki iia Adi Komii siya dimin biyekak iikamim simiir tirbumbuwi saiirin, ha? Siyu karamaeka. Niingaka. Biya, Biyan Inkam Komiiyin siya hiniina boinkin, Adi Komii siya wi krimiir nanmaiwarkainaei, iikamim sima ta yai aiir wakaeyoknaim sima hiniina boinkim, ta yaiya saeya kaimwowaiga. Saeya niksisa rani. ⁴ Adi Komii siyar niisimauugin ti yayim sima kaimwowaigim, kiriepai kiriepaiyim siya tirim. Mi siya siyu miyik miyikim iikamim simiir whinkinsiisim tirkim mi Adi Komii siya naeyiun siir kwoin aigar naingwo hauugin iikam imiirin mi siya siir dimin miyik miyikim iikamim simiir hauuwikim. Iriig.

Jisis siya inkamnan nimbiyamkin krimiir nanmaiwarkainaim.

⁵ Ti yayim tariinan krimiir boinim, sima ti nu whirin wi mhoiia Adi Komii siya tirkii mi siir boinkin. Iikam yipikim siir wakaeyoknaim sima wi ti nu iir nwowi. Adi Komii siya paekwosimim simiir bi nimbingin ti nu win siir kigriraowamin. Niingaka. ⁶ Inkam nwirin Adi Komii siir yayim yokwoni siya winim saeya hiniina winboinkika,

Iikamim sima dimkim, kira simiiram naingwowiyn? Mi yinisisimim yim dimukim kima simiir sibgu kigriraowiyim, ha? Iikam krima ini inig karamae ywowim.

⁷ Mi siya iikamim krimiirin wi ii priei nokmwin owaiginiu rani, paekwosimim simiir aowan. Mi kira diminim inkam komiiyim nu kigriraowiyim digworaekwo whiekakim simiir sima haiiyim simiir hiriinan hauugin. Mi sima ini paenan yuyakiyim. Mi sima ini inig komiigaka ywowin.

⁸ Mi kira digworaekwo whiekakim simiir nokmwın okwo haiginiugin. fhi, Adi Komii krimiir Wanin siya digworaekwo whiekakim iikamim simiir aowa haiginkin. Mi dimin whirkin simiir koua bi swoki haigin miminkin. Niingaka: Mi ti diminim krıma tariinanin simiir niki kig rani. Sima bi niki imbinikim. Niingaka. ⁹ Mi tariinanin krıma bidi yinokninkinim dimin taeminim ti inkamin Jisis siirim. Mi ii priei rani, Jisis siya ti nu iir nwowin. Adi Komii siya siirin paekwosimim simiir aowa nokmwın okin mi siya ini inkam inig karamaenar ywowin. Mi tariinan Adi Komii siya inkamin inig komiigakin siir hiriinan yokmwın owaiginiu mi siya ti dimin paenan niuyaeiyin Adi Komii siirim simiir hai. Dimusi rani, siya naokin iikamim krimiir dimin biyeyim mi krimiir hikim simiir haiyim. Mi Adi Komii siya iikam krimiirin wi dimin miyik miyik imiir hiriinansi tir haiginiui. ¹⁰ Mi ini mi owin Adi Komii siya digworaekwo whiekakim simiir Adi mi owin mi simiirin siyar mi onkwokwokiyein ini mi owin. Mi siya Jisis siirin minam nimbingin ti hik imiirin siyar mi haii siya kimpipisuam ini owin. Mi ta hika Jisis siir tira mi siya ini iikamim simiir nanmaiwarkainan inkam komii kiin yamwoiun. Mi krıma wi Adi Komii siir yinisim asi nwowi. Mi mhoyia krıma wi siir dimin miyik miyikim ninomor kouanim wi simiir haii.

¹¹ Krıma dinokninkin, ti inkamin siya iikam whiekakim simiir dimin biye imiir bidi haiyoprimdiyumiigiyim mi ti iikamim sima ini rirmiiya ywokiyeim, simiirin dimin whirki bi kimbugim. Mi Jisis siya mi sima, sima ini Adi Komii siir yinisim arar ywowin. Mi Jisis siya simiirin siir nomousisim nikiusi paniinsi yididsi. ¹² Mi siya boin,

Adi Komii kara kiriir inigin wi kariir nomousimim simiir

boinmauui. fhi, simiir whwonkam idain kara mwai waowi mi wi kiriir inig iir hainani. Maeyaua iikamim naingwo tibmii kiiniyim iripa sima haingiriyiu omimiriya sair hirin.

¹³ Mi siya hiniina swoki boinki, Kara wi Adi Komii siir yai imiirar naingwo tibmii kiini. Mi siya hiniina swoki boinki, kira kariir kigi, kara tisi tirar nwowin. Mi Adi Komii siir yinisimim kariir hauuwim sima tisi kanaka tirar nwowim.

¹⁴ Mi krıma ti siir nomousimim piugak nhiekakaigim mi Jisis siya ini iriipi hiriinan inkama mi amwoiun piugak nhiekak mi siya wa mi aowi mi siya Setan siirin wa nonkwobumbuninkin iuguski mi siir siyiun iikamim simiir tirbumbu aokaowiyein siir warar. ¹⁵ Mi siya hiriinan minsi tirkin, iikam krıma naosi naingwo ididi mi Adi Komii siir kigi mi mhoyia krıma wi naosi nidid rani. ¹⁶ Siya ti diminim simiirin paekwosim simiir whinmiriyim bi minkin. Niingaka. Siya iikamim Ebrahim siir isidin siirin krimiir whindiriraeraram nitkin. ¹⁷ Mi ti hiriinan siyiun siya inkam asi nwokin, siir nomousisimim krimiir hiriinan. Mi siya wa mi mirii prismi biyan inkam komii siir hiriinan iki iikamim simiirsi

naingwoyimiyoukim. Mi siya minsi naokin Adi Komii siir iowa siya nwowa dimin biyeyim simiir sairsi. Mi siya iikam imiirin Adi Komii saika nwoki inkiamasu haiginiuwim sima iripa nongwomamair aeyam. ¹⁸Mi siya hikpai hikpaiyim siir nimbiyamim mi siir kinankiuim simiir kimpipisu bidiyar haiyin. Dimusi rani, siya wi nwoki kigninokninkinim iikamim ti hiriinan hik kimpipisu haiyim simiirin. Iriig.

Jisis siir inig komiiyin ini Moses siir inig komii iir haiburin

3 ¹Nomiiyauwim yipiki Adi Komii krimiir Wanin siiram naingwo tibmii kiinim. Adi Komii kimiiramin minam nikiunakin diminin big nasmirwaiya Adi Komii siya nwowanin siir tirim. Mi kima Jisis siirim sibgu daingwokwo, Adi Komii siya Jisis siirar nikropkikin siir yai aiir boinmimauuwam dimin whiekakim siya tiriyim. Siya prismi biyan inkam komiiyin siya tiriyim siir hiriinan. Mi krime ti yayim siya boinim simiirar wakaeyokna boinmimauukin iikamim simiirin. ²Adi Komii krimiir Wanin siya bidi yimbinin ta siir miiya sairin mi siya ta Adi Komii siir mii miyik aiirar asi sibgu wakaeyokna mirii, siya Moses siya tirin iya siya Adi Komii siir iikam imaka nwowa sair hiriinan tirkin. ³Mi Adi Komii siya minam kiwakikin Jisis siir inigin Moses siir inig iir haiburim. Inkamin omaka komii miriiyin mi inigak ha nwowiyin siir hiriinan. Omaka saeya bi nwowika inigakin. Niingaka. Inkamin nonkwo miriiyin siyar nwowikin inigakin. ⁴Omaka im sima sima bi mirii naeikim. Niingaka. Omaka whiekakim simiirin inkamki nonkwo miriigim. Adi Komii siyairgin digworaekwowim simiir bwamkibwamin. ⁵Moses siya whisarii mii miriiyan inkamkin. Mi siya Adi Komii siir yai imiirar sibgu wakaeyoknaeikin iya siya Adi Komii siir iikamim simaka hir nwowa mi siya Adi Komii siir dimin taeminim mhoiia nimbiyami simiir boinmimauugin. ⁶Mi inkamin Adi Komii siir iikamim simiir kou nwowin yio Jisis Krais sasaargin. Mi Adi Komii siir yinisimin miyim siya miriiyim ini wadiekinar mi owim. Mi nim krime iikamim naingwo tibmii kiinim nim krime Adi Komii siir piuganka. Mi krime naingwo tibmii kiini Adi Komii siiramin mi kirie hiriirar nwowi mi krime siiramin mairgimairga hiriirar nwowi, krimiir nanmaiwar kainam. Mi krime iikam naingwo tibmiiyim wi Adi Komii siir piugan nwowi. Mi krime naingwo tibmii kiin karam nwowi, siya wi krimiir nanmaiwar kain rani. Niingaka. Iriig.

Mi iikamim Adi Komii siir yai aka nantamyiriyiriyim sima wi iripa nongwomamair ae rani.

⁷Dimusi rani, krime ini Adi Komii siir iikamnan ywowim. Mi krime Adi Komii siir naeyu miyikin siir yai imiirar wakaeyokna. Siya hiniina boinkin, panao kima pi siir yai aiir wakaei,

- 8 mi kima kimiir mhii kwoinim pi kipi kikintimdinu kripkai biiya kimiir yidiwi wanwiyaeyim sima kariir yai aka nantamyiriyira saiir hiriinan, iiya sima nu siiyin apa niinga hir nwowa.
- 9 Mi sima kariirin saiir kinankiugim. Mi ta maeyau aiirin kimiir brougaeyim sima dimin whiekakim kara tirim sima biewiyim kamnwosa kigim. Mi sima hiriinansi bi nwokim, sima ini kariiramar swoki kinankiu kripkaiyim.
- 10 Mi kariir kwoinin ti iikam isidin simiirimin hauugihauuga asi whwiyiekin. Mi kara ina boinin, iinokiinokin simiir mhii kwoinim yaeya siyiu whirima naingwowi siir napam.
- 11 Mi kariir mhii kwoinim haugihauga asi whwiyiekikim simiiramin mi kara hiniina nikopaisisirki, ti iikamim sima wi kariir om miyikin piu siisiyin wi siir swoki it rani. Niingaki niingakiinga!
- 12 Mi kimiir kwoinim wi dimin biyieyim simiirim pi naingwowisi mi kima wi ti Adi Komiiyin omwai waiyayokiyokiiyin wi digiumii siir haimriiyugigisi. 13 Mi tariinanin iinokiinokin kima irira nwonwira kima kimar whinkinsiis ankinsiisnaei mi kimiiram kinankiuwi mi kima wi Adi Komii siirin wi digiumii haimriiyugig rani. Niingaka. 14 Kima, kima kima whinkinsiisna. Dimusi rani, biigi biiyin krma Krais siir yai aiir wakaeyim, kima bidiyar yaingwo tibmiiyim mi krma bidiyar sibgu itinakiu kripkaiyim. Mi krma hiriinan tiriyokiyokii ami mi iiya krma naowi wi saiirar nadigiuwi. Mi krma iinokiinokin wi Krais saika nwoyokiyokii.
- 15 Krma ina ninokninkinim, ta yaiya ina nwokripkaiya. Saeya hiniina boinka,
- Mi tapa kima siir yaiya saiir wakaei mi krimiir mhii kwoinim kipi kintimdinu, biiya kimiir brougaeyim biiya sima nantamyiriyira saiir hiriinan.
- 16 Yipiki iikamkim biiya Adi Komii siir yai aiir wakaeyokna karam nwowim mi saika nantamyiriyirim, ha? Ti iikamim Moses siya nikiunamim nu Isib hiranki mi ha namim sima. 17 Mi biewi kamnwiso Adi Komii siir kwoinin haugihauga nhiniiram whiyiekin, ha? Siya iikamim siyiu biyie tirim kwoin haugihauga simiiram whiyiekin mi sima ini maeyau siiyin apain ini hir yaokaowim.
- 18 Biiya Adi Komii siya nhiniir nokwao boinkin, ha? Sima wi om miyikin piu siisiyin wi siir nam tani kara simiiram nimbinin Niingaka. Ti iikamim Adi Komii siir yai nantamyiriyirim siya simiirar boinkin.
- 19 Krma ina ninokninkinim, sima bi naingwo tibmii kiingim. Mi sima omin Adi Komii siya nimbinin simiiram piu siisiyin siir bi namkim. Niingaka. Dimusi rani, sima bi naingwo tibmiikim mi Adi Komii siir yai aiir bi wakaeyoknakim. Iriig.
- 4** 1 Adi Komii krimiir Wanin siir nimbina saeya ina niki owa, saeya hiniina boinka, kima kariir omin piu siisiyin siirin wa napninopkai

nam. Mi hiriinanki niuwi kríma mintarao Adi Komii siya krímiirin wi siir omin piu siisiyin siir kignínkin apninopkaigi karamae nwowisi. ²Kríma Adi Komii siir yaiyim ina wakaeyim bíiya krímiir brougaeyim sima wakaeya saíir hiriinan. Mi sima hindara wakaekim mi sima bi naingwo tibmii kíingim mi ta Adi Komii siir yaiya sima wakaeya, saeya simiir bi swoki whindiriraerarka. Niingaka. ³Kríma iikamim naingwo tibmii kíiniyim kríma ti om miyikin piu siisiyin siirar namikim. Bíiya Adi Komii siya boinin saíir hiriinan, ta yaiya hiniinga.

kariir kwoinin hauugihauuga whwiyiekin mi kara hiriinan asi
 nikopaisisir boínkin, iikamim kariir yai wakae karamae nwowim
 sima kariir omin piu siisiyin wi siir napninopkainani rani.
 Niingaki, niinga, kiinga!

Adi Komii siya nu ninomor sowiirin ha nonkwokwo digiyin mi siya piu ina siisin. Mi mhóíiya siya ti omin piu siisiyin simiiram ha boínkin. ⁴Mi Adi Komii siya Yokwo Komii saíirin ii iriíyar kwisaka saíirin hiniina boínkin mi ii iriíyar kwirim Adi Komii siya mii whiekakim simiir mirii digi mi ii iriíyar kwisaka siya piu saíir siiskuwak. ⁵Mi ta Yokwo Komiiya saeya hiniina swoki boínkika, sima kariir om miyikin piu siisiyin wi siir napninopkainani rani. Niingaki, niinga, kiinga! ⁶Mi ta yaiya hiriinana ina niki okripkaiya mi nhirim naingwo tibmii kíiniyim, om miyikin piu siisiyin siirin wa napninopkainami mi iikam nhirim bíiya yai win kibi aiir wakaeyim mi ha swoki antamyiriyirim, sima wi omin piu siisiyin siir hiriir napninopkainam tani. Niingaka. ⁷Dimusi rani, iikamim yipiki bíigi bíi wakaeyim Adi Komii siir yai win kibi aiir mi ti omin piu siisiyin siir nam karamae nwowim Adi Komii saika mi Adi Komii siya simiiramim iiya kwira swoki imbin piu saika siisim. Mi mhóíiya biéwi biéwiyim bidi yamkiyim, Adi Komii siya digworaekwo whiekakim Devidki si winboinkiyim Yokwo Komiini siya hiniina boínkin,

Mi tariinanin kima ta yai aiir wakaei, kima wi kipi nantamyiriyir.

⁸Mi Josua siya simiirin ti omin Adi Komii siya nimbinin piu sima siisam, siir hiriir whinamkiswo mi Adi Komii siya wi yaeya iigwir di swoki imbini piu sima siisamin. ⁹Mi hiriinankiniuwi, kríma dinoknínkin, iigi ii kíina piu siisiya Adi Komii siir iikamim simiira ya ina niki owa. Ya ini ta ii iriíyar kwisaka, iiya Adi Komii siya digworaekwo whiekakim simiir nonkwokwo digiya mi piu ha siisa ini saíir hiriinan ywowa. ¹⁰Mi Adi Komii siya digworaekwo whiekakim ha nonkwokwo digiyin mi siya piu ina siisin. Mi iikamim yim wi hiriinanar mi tiri, sima wi simiir mii imiir haiburgigi mi piu wi Adi Komii saika nini siisiuwi. ¹¹Mi kríma wi krimasiyar mintaraona kríma wi omin piu siisiyin wi siir nwoki amim mi wi Adi Komii saika nini owouwim mi kima Adi Komii siirin digiumii kipi haimriiyugigs mi saika kipi nantamyiriyir bíiya kimiir brougaeyim sima tira saíir hiriinan.

¹² Krīma krimasiyar mintarao ti digworaekwo imiirsiyin. Dimusi rani, Adi Komii siir yaiya saeya hinda bi priiyokaeyamka. Niingaka. Saeya ina miriia. Saeya ini wismir iokaka saiir io aiir haibura. Mi saeya inkamni haniin iiii tirirar bi naka ikwoyamyaenakika. Niingaka saeya mhii kwoina hiriirar krimkrikninopkainamika, inkamin iinibgi iiniba krimkrikninopkainamiyin siir hiriinan. Mi krimiir kwoinin pi saeyar kisisop hid haiginiuwi. Mi krimiirin pi saeyar mi iisiimauuwi, wadiekipiyamisi owin, iyie? Wadie rani. ¹³ Dimin whir karamaeka Adi Komii siirsi kimirkaiyim. Niingaka. Digworaekwo whiekakim tika nwoyokiyokiiyim, siya simiirin ina kigirkakin. Mi siirin, krīma digworaekwo whiekakim krīma tirim, simiirin hiriirar boinmimauu swoki. Mi siya wi krimiir nwoki hidim. Iriig.

Jisis siya krimiir prismi biian inkamkin.

¹⁴ Krimiir biian pris inkamin siya bidi yamin mi siya ini Adi Komii saika nwowin siir om iir. Tiki inkamin, yio Jisis siyairgin Adi Komii siir yinisimin. Mi krīma sibgu daingwo tibmii kiin mi sibgu daingwo omok Jisis Krai siiramin ti krīma boinmimauuwin inkamin. ¹⁵ Mi iikam krimiir kwoinim bi sibgu owipisuwikim iki dimin biyie biyeyim krimiir kinankiuwiyim, krīma bi sibgu okworinuwikim. Mi ti digworaekwowim krimiirin wi sima nikwowaisii krimiir kwoin imiiram kinankiuam. Mi krimiir biian prisin siya krimiirsiyin naingwoyimi yok prasae rani, ti inkam naingwoyimi yok komiigakin siir hiriinan digworaekwowim krimiiram kinankiuim simiirsiyin. Mi siya krimiiram dimusi naingwoyimi yok rani, ti digworaekwo hiriinanim krimiir kinankiuim, siirin bidiyar mi kinankiuim. Mi siya simiir bi napkin mi siyu biyie ha bi tirkin. Niingaka. ¹⁶ Mi hiriinanaki niuwi, krīma wi kipi nidad. Krīma Adi Komii siiramin hiriirar kwisboinanae, krimiir dimin biyeyim simiir haiyopriimdiyumiigiyam mi krimiirin wi siyar mi whinkinsiis haiginiuwi, ti dimin biyeyim krimiiram kinankiuim simiirsiyin. Mi krīma simiir nikwowaisiiyim wi digar mi owi. Iriig.

Jisis siya krimiir biian prisin siya wi digar nwowi krimiir dimin biyeyim simiir haiyoprimdiyumiigiyim

5 ¹ Mi Juda iikamim, inkamin prismi Biian Inkam Komii nwowamin siirin pi simar nokmwın okwo haiginiuwi. Mi ti prismi biian inkam komiiyin, iikamim simiir miyim pi siya siyar mirii yokiyokiii iinokiinokin. Mi iikam imiiramin nhwo pi siyar kwisboini. Mi simiir nae miyik miyikim pi siya mi inkin imiiaei Adi Komii krimiir Wanin siirim simiir dimin biyie imiirsi. ² Mi prismi biian inkamin siya iikamim Adi Komii siir yai aiir wakaeyokna ap karam nwowim, habwowhaenan nwowim mi siyu biyie ha tirim simiirsiyin naingwoyimi yok pranae bi

kinikin. Mi siya krimiirsiyin wa naingwoyimiyoiki. Dimusi rani, ii nhirim siirin dimin biyieki nipiyaokiii, yio wi hiriinan siyiu biyieyar mi tiri, krimiir hiriinan. ³Siya naeyim Adi Komii siiramin krimiiraramar bi ninkin imiyyaeikin. Niingaka. Siya, siyam warar mi inkin imiyyaeikin. Dimusi rani, ii nhirim siirin dimin whirki kinankiuwi, siya wi siyiu biyieyar mi tiri. Mi Adi Komii siya wi siir dimin biyieyim mi krimiir ikim wi simiirar haiyopriimdiyiumiigi swowi. ⁴Inkamin prismi biiyan inkam nwowiyin, siya inig komiigakin. Siya siirara kwoinkar bi nwokin, ta hiriinan mii aiirin. Niingaka. Siirin Adi Komii siyar nokmwini okwo haiginiugin, ta mii aiir miriiyamin. Biiya Eroni, siya nokmwini okwo haiginiuwini siir hiriinan prismi biiyan inkam nwowam, saiir hiriinan.

⁵Mi Krais siya prismi biiyan inkam nwowamin sasair bi nwokin. Niingaka. Siirin Adi Komii siyar nokmwini okwo haiginiugin. Mi Adi Komii siya siirin hiniina boinki,

Kira kariir yinisimkin! Mi tariinanin kara ini kiriir ad ywowin.

⁶Mi Adi Komii siya Yokwo Komii saiirin Jisis Krais siirin hiniina boinkikin, kira wi prismi biiyan inkam nwowi iinokiinokin. Ti prismi biiyan inkamin Melkisedek dapiyin siir hiriinan.

⁷Mi biiya iia Jisis siya nu tir nwowin, inkam krimiir hiriinan mi nhwo ha kwisboinin Adi Komii siiram, ouuba ini warar yaokiinainiya. Mi Adi Komii siya dimin taeminim siya kwisboinin simiir wakaeyin mi siya siirin ina whindiraerarin. Mi siya bidiyar iki aonamin mi siirin Adi Komii siya swoki hidninsiin idwo ie hiranki. Mi siya ini omwaiyar swoki waiyain. Dimusi rani, siya, siyamar bi naingwonakin. Siya Adi Komii siir kwoin iirarar napkin. ⁸Jisis siya Adi Komii siir yinisimkin. Mi siirin dimin kasa kasaki bi nonkwoniinwoimwiirninkin haiginiugin. Mi ti digworaekwowim siir nonkwoniinwoimwiirninkin haiginiuwim yim siir whinkinsiis haiginiugim. Siya Adi Komii siir kwoin iirar sibgu wakaeyokna apim. ⁹Mi siya Adi Komii siir kwoin iirarar napkin. Mi ti hiriinan siyiun yio min nisiimauugin siir kwoinin dimin biye whir swoki aingwo rani. Niingaka. Mi ti hiriinan siyiun siya wi dig asi nwowi, iikamim yipiki siir yai aiir wakaeyokna apim simiir nanmaiwarkainam. Mi sima wi omwaiya nwoki waiya yokiyokiikaeyamim. ¹⁰Adi Komii siya yokmwini okwo haiginiu Jisis siirin prismi biiyan inkam nwowam biiya Melkisedekni siya nokmwini okwo haiginiuwa prismi biiyan inkam nwowam saiir hiriinan. Dimusi rani, ti diminin Jisis siya nanmaiwarkainan simiir dimin bibiyeyim simiir saiirsika. Iriig.

**Krima wigkam inkam adiyaowaenan dwo Adi
Komii siir yai aiir wakaeyokna apamin.**

¹¹Mi Krais Melkisedek sowiir diminpai diminpaiyim kara simiir boinmimauwamin ina naingwowin. Mi kara simiirin wi sibgu

nanaakninkii rani. Dimusi rani, kimiir kwoinin ini habwowhaenan ywowim. Mi kimiir kwoinin ta yai aiir wakaeyamin rirmiiya bi nwokim. ¹²Kima kwokikwokiyaeya bi naingwo tibmii kiingim wi Adi Komii siir yai aiir nowomwarkaiyuwan iikam pi ywowin. Dimusi rani, kima Adi Komii siir yai aiirin kwokiyaeya bi mi aingwo tibmiigim. Mi kima dig bi nwokim ini yinkinyaeyaowim. Mi Adi Komii siir yaiya biiya kima wakaeya saiir bi sibgu ninokninkinkim. Mi wim kima iikam nhiramin ina naingwowim, kimiir swokini owomwarkaiyuniyim. Mi kima wa nwoki inokinkinim kima inakamae rani, nae kirie kirie bi rimtiowikim. Kima ini yinisim praigaknan ywowim, ini mwiiyar niki aeyim. Dimusi rani, kima Adi Komii siir yai aiir bi wakaeyoknakim, kima tira saiir hiriinan. ¹³Krima dinokninkin, iikamim biiya ta Adi Komii siir yai aiir niki wakaeyim mi sima mhooiya kwisaka ha swoki wakaai mi yim ti hiriinan iikamim ini habwowhaenan ywowim. Sima kirie karamaeka yim ini yinisimin siir yopiini mwiiya niki aeyin ini siir hiriinan ywowin. Sima Adi Komii siir yai aiir bi ninokninkinkim piki hiniina dimin ikin biyieyin mi piki hiniin dimin ikin wadieyin. ¹⁴Iikamim inakamae nwowiyim yim nae kirie kirieyim ha naeikim. Mi yim sima ina ninokninkinim, piki hiniin nae ikin biyieyin mi piki hiniin nae ikin kibiyin. Mi yim ini iikamim naingwo tibmii kiiniyim mi kiriekak ha nwowim, ini simiir hiriinan ywowim. Mi ti hiriinan siyiun ini iikamim naingwo tibmii kiiniyim sim naingwo omok diriraerariyim piki hiniin dimin ikin biyieyin mi piki hiniin dimin ikin kibiyin ini simiir hiriinan ywowin. Iriig.

6 ¹Krima yaiya Krai siira biiya sima boinmimauuwa idowiigiidowiiyana saiiraramar kipi naingwokripkai. Krima siir yai nhirim aowa aowanim warar wakaeyokna ap. Mi krima wi siir mhooiya nwoki amim, ta krima tira saiir hiriinan. Mi krima ti yaiyim biiya krima wakaeyim simiir simiira kipi naingwokwonanae. Taka yaiya ya hiniinga, krima siyu biye siirin digumii haigingig, naokaoiga krimiir niniuwiiyin mi Adi Komii krimiir Wanin siir yai aiir wakaeyokna apnam. ²Mi ta yaiya biiya krima boinmimauuwa kimiir baptaisni siyupai siyupaiyim sim mi iikamim ina simiir mwo imiir mi onkwowim Adi Komii siir dimin kirie komii komiiyim simiirin ha mi iisiisiimauu mi ombud komiiyin ha naokaonamim mi simiirin ie hirankar mi kininsiin idwo mi iya Adi Komii siya simiir hidana nhirim wi paeya nami mi nhirim wi ninomor koua nami. Mi ninomor koua namim yim wi omwaiyar waiyayokiyokii. Mi hiriinan digworaekwowim yim kimiir nowomwarkai haiginiugin. ³Adi Komii siya krimiir whinkinsiis haiginiuwam tiri. Mi krima wi iki siir yai nhirim simiir nwoki wakaeyokna apim, krima tira saiir hiriinan.

⁴Kara kimiirin hiriinan minsi boinki. Dimusi rani, iikam nhirim biiya sima bidiyar iki aingwo tibmii kiinim. Mi sima Adi Komii siir yai aiirin

bidiyar sibgu wakaeyoknaim. Mi sima dimin miyyik miyyik bidiyar mi haiyim, Adi Komii siya hauugiyim siir om hirankin. Mi Adi Komii siir naeyiun simiir piu bidiyar mi ii okwokaayim. Mi sima Adi Komii siirin digiumii haimriiyugigi mi krime simiirin wi paniina swoki boini, ti siyiu biyeyin siir haiburgigim mi Adi Komii siiram swoki amim, ha? Niingaka. Yio siyiu rani. ⁵Sima bidiyar yinokninkinim Adi Komii siir yaiya biya sima wakaeya, saeya yai bimbuiwi rani. Mi dimin kirie komii komii nhirim biya Adi Komii siya tirim bidiyar mi kigim. Mi mhoiia krime wi simiir whiekakar kigsowwi. ⁶Mi sima Adi Komii siir yai kibi aiirin digiumii haingigiki mi krime wi paniina tiri, simiir swoki ikunaniyim Adi Komii siiram swoki itam ha? Niingaka. Yio siyiu rani. Sima wi Adi Komii siir siyiu iir swoki ap rani. Niingaka. Dimusi rani, yio ini Jisis siirin paeyin hiiniya nirioninkinin saika swoki inkin irinu isomaoni hiniin ywowa. Mi iikam nhirim sima ti hiriinan siyiun siir kigi, sima wi Krais siir tirigini.

⁷Iikamim yipiki naingwo tibmii kiinim mi Adi Komii siir yai aiir sibgu wakaeyokna apam, yim ini ti nuin siir hiriinan ywowin, iya naoki kinkiiyim mi nao opa ha sinkainainamiya. Mi sasaeyim inkamki ninkinim ha sibgu inan iigiyim simiirin pi Adi Komii siyar kirie haiginiwi. Mi iikamim yipiki Adi Komii siir yai aiir sibgu wakaeyokna apiyim yim ti nu miyyikin ini siir hiriinan ywowin. ⁸Mi iikamim biya niki aingwo tibmiiyim mi tariinanin, digiumii Adi Komii siir swoki haimriiyugigim, yim ini nuin wapnao minkin ninkisaioae nankaiyin ini siir hiriinan ywowin. Mi ti nuin yio nu miyyiki miyyik rani. Mi Adi Komii siya wi io ti hiriinan nu iir nwowi. Mi siya wi ha boini, ti nuin, nu paii rani, siirin wi siya haingimugii. Mi iikamim biya naingwo tibmiiyim mi Adi Komii siirin digiumii ha swoki haimriiyugigim, simiirin wi Adi Komii siya boinwokiypnatkaigi paeya. Ti nu biyeyin Adi Komii siya haingimugiyin siir hiriinan.

⁹Ti kariir akam kiingikiinim, ta yai biye hiriinana kara boinkiya kimiir, kara ha naingwowi, kima wi dimin miyyik imiirar tiri mi wa sibgu wakaeyokna api. Mi Adi Komii siya krimiirin wi hiriinansi nanmaiwarkinaei. ¹⁰Adi Komii siya inkam biye rani mi siya dimin taeminim kima tirim simiirin wi ha naingwo owouu rani. Niingaka, siya wadiekiwadie ieyargin mi siya ina naingwowin dimin taeminim kima tiriiyim simiirin. Mi ti hiriinan dimin taeminim kima tirim iki iikam nhirim biyanim sim mi ha nityokiyokiiyim mi tisi tariinanar nadigniyim, yim Adi Komii siir niisiimauugin, kima siiram naingwowi. Dimusi rani, kima siir yai imiir wakaeyokna apkim. Mi Adi Komii siya ti digworaekwowim sima tirim simiirin wa naingwowi. ¹¹Mi kara irira nwinwira kimiiram ha naingwowi, kima kirie hiriirar dwoyokiyokiiyam, Adi Komii siir digworaekwo imiiram. Mi siiram hiriirar nwokwokinim

iiya Jisis siya swoki iti krimiir nanmaiwarkainaim. Mi kima hirii hiriyyar tiryokiyokii ami mi wi kimar naobudgii. ¹²Kara kimiiramın minam naingwowi, kima Adi Komii siiramın piugi kipi piyao. Kima iki iikamim Adi Komii siiram naingwo tibmiiyim simiir yai imiir wakaeyokna. Mi iiya siya swoki itana saiirım nwokwokini, sima wi dimin miyik miyikim biiya siya boinim krimiir, wi simiirar hauuwi. Iriig.

Krima daingwo tibmii kiin.

¹³Mi biiya yai nhirim Adi Komii siya Ebrahim siir boinmimauuam tirim, siya simiirin wa boinmimauuwi. Mi siya ti yayim siir inig iirar swoki ikopaisisirnaeikin. Dimusi rani, siya Adi Komiigin, siir kouin inkam nwirki bi nwokin. Niingaka. ¹⁴Mi siya siirin hiniina boinkin, Ebrahim, kara kimiirin wi dimin kirie komii komii imiirar tir haiginiuwi. Mi mhoiyya kiriir isidin siir yinieyim wi kasa nwo rani. ¹⁵Mi ta saiir mhoiyya Ebrahim siya ina kaoraraowin, ti diminim Adi Komii siya boinkiyim siiram, sima nimbiyamam. Mi siya hiriyyar kaokaigiyin, ini ti digworaekwo imar yimbiniyim. ¹⁶Mi iiya inkamin dimin whir nimbiniyim, siya pi inkamin inigin kouwarigsim nwowin pi siir inig iir nikopaisisirkii. Mi ti hiriinan siyiun iiya inkam nhirkim siir yai aiirin hiriinan wakaekii mi sima wa boinki, ihi, dimin siya nimbinin yio wa tiri. ¹⁷Adi Komii siya iikam krimiir niisiimauuwam tiri, yipiki ti digworaekwowim biiya siya nimbiniyim krimiir, simiir haiyanim. Siya krimiirin min niisiimauugin, ta siya nikopaisisira siir inig iirar mi saiir. ¹⁸Mi ta yaiya Adi Komii siya nikopaisisirkiiya siir inig iirar, ya krimiirin min niisiimauuga, diminin siya siir inig iirar dapikopsisirkiiyin, yio bi swoki ikopsasaeikin. Yim ti hiriinan diminim yim krimiir kirie haiginiugim. Mi ta kirieya ya wi hiriyyar nwoyokiyokiigiyami mi wi iiya Adi Komii siya nimbinim digworaekwo whiekakim krimiir hauuwam, wi saiirar nadigiuwi. ¹⁹Krima ina ninokninkinim, mhoiyya krimiirin wi Krai siya nanmaiwarkainaei. Mi ti digworaekwo hiriinanim, krimiirin wi sima kinsii haiginiuwi, sibgu okworinuwwamin, paeyin uridgi nitkiniyin mi ha sibgu okwowyin, siir hiriinan. Mi ti digworaekwowim, ti krima wakaeyokna apim, wi bopwoniya sima niinikiwitkii, yiuisa Adi Komii siir maeyaua saiir nwowa. Mi Adi Komii siya mi krima, krima wi kwoin whiruwar nwowiski. ²⁰Ta Adi Komii siir maeyaua hiuyokiyokaiya dimin whirki kimbu karamae nwowa biiyin Jisis siya napninopkainamin mi krimiir igsopa siyar yokwokairina. Mi krimiirin siya whinkinsii haiginiu. Mi siya ini prismi biiyan inkam ywowin iinokiinokin. Ti prismi biiyan inkamin Melkisedek nikiuwiyin siir hiriinan. Iriig.

Melkisedek siya prismi biiyan inkamkin.

7 ¹Jisis siya Melkisedek siir hiriinan prismi biiyan inkamkin. Melkisedekin yio om Selem hiran iikamim simiir kigirkakikin. Mi

siya Adi Komii siir prismi biiyan inkam warargin. Mi biiyar in Ebrahim siir isidin iki inkam komii komii nhirim om nhirim sau simaka ninitim simiirin yamdi kwiruwu sima hainurur haiginiugig. Mi iya sima sau ha ninit dignaniyim. Mi Melkisedek siya simiirin siyu hir yapyiskaiwin. Mi siya simiirin ina yokboinmama ir haiginiugiyim. ² Mi digworaekwo miyik miyik whiekakim, Ebrahim siya hainaniyim ti omim simiir hirankin, siya simiirin whieyim, iura sioitkin. Mi siya whie iur aka, ya kimidiniya Melkisedek siir hauu. Mi nokiinwokiyim yim ini siyar haiyim. Mi Melkisedek siir inigin siir inig mwoki, inig mwowin yio minkin, inkamin dimin kibi kibi tiriya siya. Mi siir inig mwoki inig mwo whirin yio minkin, inkamin iikam iripa nongwomama ir aekin. Dimusi rani, om Selem hiran iikamim, simiirin ini siya kigirkakim. ³ Mi biiyar in inkam nwirki bi winkin siir yopii ado mi siir yidiwi wanwiyaeyim mi siir isidin simiir inigim yokwoni. Niingaka. Krima ninokninkin tani, siirin wig inkamkar namisi aokainakin, iye? Krima ninokninkin tani, siya bidi pi piyamisi aonamin iye? Mi krimiir kwoinin ha naingwowi, siya Adi Komii siir yinisimkin. Dimusi rani, siya ini omwaiyar waiyayokiyokiiyin. Mi siya wi prismi biiyan inkam nwowi iinokiinokin.

⁴ Kima bidiyar yinokninkinim siya inkam komii ieyairgin. Mi Ebrahim siya inig komiigak siirar mi owaiginiu. Mi ti digworaekwo whiekakim sau aka siya ninit hainakiyim iki om nhirim simiir inkam komii komiiyim om kigriraowiyim simiir hiranki, siya simiirin iura sioitkin mi siya whie kwira kimidiniya siir hauu. ⁵ Mi kam nhirim Livai siir isidin siirin sima ini prismi miya sair haiyim. Mi Adi Komii siir siyu komiiyin hiniina boinkin, dimin taeminim Isrel simiir iikamim sima haiyim sima ii nhirim simiirin iura timi sioitkin mi iur akain yio Livai siir isidin siir hauugi. Mi Isrel simiir iikamim yim Ebrahim siirgisir isid ieyairgin. Mi ti pris inkamim sima pi simiir piugana sair iikami digworaekwo imiirar swoki kwahai. Mi ti hiriinan siyuin yio ini ywowin. ⁶ Mi Melkisedekin yio Livaini isidin siir tani mi dimusika siya Ebrahim siir dimin iir haiyin, ha? Siya Livai siir isidin siir inkam tani mi siya dimin iur akain Ebrahim siirarim siyar sioitkinim simiirgisimiirar haigin. Mi siya siirin ina yokboinmama irgiyin. Siya hiniina boinkikin, Adi Komii siya ini kinakar nwowin. Kima bidiya yinokninkinim Ebrahim siya inkam komii ieyairgin. Biya Adi Komii siya Ebrahim siir nimbingiyin mi siya wi simiirar tiri. ⁷ Krima ina ninokninkinim, inkamin, inkam nwirniyin hiniina boini, Adi Komii siya ini kinakar nwowin mi ti inkamin ta yai kibi hiriinana sair boinin, yio ini inkamin hindara wakaeyin ini siir kou ywowin. Whisarii rani, yio Adi Komii siir iisopa sair nokwokairinakin, siir nokboinmamairam. ⁸ Mi pris inkamim yipiki Isrelmi dimin taeminim sim dimin iur akain sim haiyim, yim wi wai biyeyar mi owi mi wa mi aowi. Mi yio Melkisedekin yipikin Ebrahimni dimin iur akain si haiyin,

Yokwo Komii saeya ha boinka, siya wi nao rani. Niingaka. ⁹Hiriinan mi boinin ti inkamin Livai nikiuwiyin, siya dimin iuur akain Melkisedek siir mi hauugiyin. Iiya brougae Ebrahim siya ti dimin haimii iuur akain Melkisedek siir hauuwini, yio ini siir apuin Livai siya hauuni haniin ywowin Melkisedek siirin. ¹⁰Mi iya Ebrahim siya Melkisedek siirin siyiu hir napyiskaiyin, Livaiyin yio bi niki aokainakin mi krima hiniin dimusi boinkim, ti diminim Livai siya hauugikin Melkisedek siirin, ha? Ebrahim siya Livai siir brougaekin mi iya Ebrahim siya digworaekwowim Melkisedek siir hauuwim, yio ini Livai siyar hauuni haniin ywowin. Mi Melkisedekin yio ini Livai siir kou ywowin.

¹¹Bidi bidiniya Adi Komii siya siir siyiu komiini yayim, Moses siir hauugikin. Mi Moses siya Isrel simiir iikam imiir hauu. Mi ta yayia hiniina boinka, ti kamim Livai siir isidanim sima prismi miya wi saiirar mirii mi nae minim wi warar ninkinimiyaei, Adi Komii siirin. Mi Adi Komii siir omaka saiir warar timi kigrirao. Mi ti dimin biyie krimiirim simiirin ti kam ima haiyoprimdiyumigikiswo mi mhoiia Adi Komii siya Krai siirin wi di swoki imbingi krimiir prismi biyan inkam nwowamin. Niingaka. ¹²Mi Adi Komii siya nikropkiyin prismi biyan inkamin yio ini saa ywowin. Mi ini prismi biyan inkamim simiir kisina okwowam. Mi ti siyiu komiini yayim biya Adi Komii siya hauugiyim Moses siir yim ina digiyim mi iriipi hiriinan Adi Komii siya siyiu komiini yayim yaeya yaiwin swoki hauugi, ti biyan siyiu komiinyin siir maeyau aiir swoki kisina okiyam. ¹³Ti yayim ti inkam iir boinin, siya Livai siir piuganan inkam tani. Niingaka. Siir yidiwi wanwiyaeyim yapa piuganankim. Mi siir yidiwi wanwiyaeyim simiir piugana biya simiir nwrkin ta prismi miya nae ninkin imiiaeyia saiir bi swoki miriimiminkim ta miya ya simiir mii rani. Niingaka. ¹⁴Krima bidi yinokninkinim, krimiir Biyan Inkam Komiiyin siya Judami piugana saeya naokainakin. Moses siya ti isidin prismi miya sae miriyyim, simiirin yaimir sim kwir bi swoki boinmiminkin. Niingaka. Iriig.

**Jisis siya prismi miya wi hiriinana
nwoyokiyokiyami Melkisedek siir hiriinan.**

¹⁵Mi krima tariinanin bidi yinokninkinim mi iya ti prismi biyan inkam nwrin siya nimbiamin siya Livai siir piugana saiir inkam tani, siya Melkisedekin prismi biyan inkamin mii miriyyin siir hiriinankin. ¹⁶Mi iya Adi Komii siya nimbinkiyin siirin prismi biyan inkam nwowam mi siya ti siyiu komiini yayim Moses siya win boinkiyim prismi miya wi Livai siir piugana sasar nwowi siya hiriinan bi naingwokin. Niingaka. Mi ta siir kirieya omwai waiyayokiyokiiya iinokiinok, siirin saeya minkikin prismi biyan inkam nimbiamam. ¹⁷Adi Komii siir yayia Yokwo Komii saiir wina mi saeya hiniina boinka, kira iinokiinokin wi biyan inkamar

nwoyokiyokii Melkisedek siir hiriinan. ¹⁸Adi Komii siya bidi yinakiyim biian prismi kamim simiir siyu komiini yayim. Dimusi rani, ti yayim yim wi dig nwo rani, krimiir whinkinsiis haiginiuwim omwai Adi Komii saikar waiyayokiyokiim iinokiinokin. Niingaka. Mi Adi Komii siya ti biian siyuim simiirin asi digikim. ¹⁹Whisarii rani, ti siyu komiini yayim Moses siya winim Yokwo Komiini, krimiirin wi dimin whirki kimbu karamae sima nwo rani. Niingaka. Mi Adi Komii siya yaeya siyu win whirin siir diriraerarki krimiirin. Mi tariinan siya yai win kibiya Krai siir boinkin krimiir, ini yayim biya Moses siya winim Yokwo Komiini ini simiir haiburim. Mi krma ta yaiwin kibiya saiir wakaeyokna api mi ha naingwo tibmii mi saeya wa whindiraerari krimiirin Adi Komii siir kingiin nwowam.

²⁰Adi Komii siya Jisis siirar nimbingin pris inkam komii nwowamin, siya siirin whisarii bi nimbingin. Niingaka. Siya ti yayim siir inig iirar bidi yikopwaisisirin. Iiya siya siir nimbingiya mi biian pris inkamim sima siir hiriinan tani. Mi Adi Komii siya inkam nwirniyin biya siir inig iirarin hiriinan bi nikopwaisisirkin pris inkam nwowamin. Niingaka. ²¹Mi iya Adi Komii siya Jisis siirin pris inkam komii nwowam nimbinin siya siir inigin Adi Komii siirar bidi yikopwaisisirin kiriiramin mi kira pris inkam komiia nwoyokiyokii iinokiinokin. Mi kariir kwoinin wi swoki kisina haigi rani. Niingaka.

Kara, Adi Komiigin kara kariir inig iirar bidi yikopaisisirin kiriiramin, kira wi pris inkama nwoyokiyokiii iinokiinokin. Mi kariir kwoinin wi kisina haigi rani. Niingaka.

²²Krma bidi yinokninkinim ta yaiya Adi Komii siya nikopaisisirkiyin siir inig iirar Jisis siiram. Saeya yai kirie komiigikomiiga. Mi ta yaiya siya kitibmii boina ya ini yayim biya Adi Komii siya Moses siir hauuwim mi Isrel simiir iikamim simiir mi hauuwim ini simiir haibura.

²³Mi dimin whirin yio hiniingin, biya pris inkam kasa rani. Dimusi rani, sima pa mi aokaowi mi simiir igsopa pi inkam nwirkar mi okwokairinanaowidi. Mi ti hiriinan siyuin ii kasa bi tirkin. Simiir inkam nwirki omwai hiriir bi waiyayokiyokiigin. Niingaka. ²⁴Jisis sasairgin omwai waiyayokiyokiii mi wi ta hiriinan saiirs nwowi siya pris inkam nwowamin. Mi siir igsopa wi inkam nwirki swoki okwokairiina rani. Dimusi rani, siya bi naowikin. ²⁵Dimusi rani, ta saiirsika, Jisis siya wi digar nwowi iikamim yipikim siiram naingwo tibmii kinim simiir nanmaiwarkainaei. Dimusi rani, krma Krai siir yai aiir wakaeyokna apkim. Krimiirin wi siyar whinkinsiis haiginiuwu. Dimusi rani, siya wi nao rani. Siya ini omwaiyar waiyayokiyokiin. Mi siya ini Adi Komii krimiir Wanin saikar nwowin mi siya nhwo ini krimiiramar kwis boinin.

²⁶Jisis siyairgin prismi biian inkamin mi siya inkam wadiekin siirin dimin whirki bi kimbugin. Siya iikam krimiirin dimin biyieki

naokingugunankaiyim krimiirin nu tirar kwaeyopriigingig. Mi siya Adi Komii saika ini owou. Mi siirin Adi Komii siya ywowaiginiu inig komiigak. ²⁷Mi iki prismi biyan inkamim biyanim simiir hiriinan tani. Niingaka. Dimin taeminim sima ninkin imiiaeyim, Adi Komii siir, simiir dimin biyeyim sima bii haiyoprimdiyumiigikim. Niingaka. Mi iinokiinokin, biyin sima pi simiir dimin biye imiirsiyar niki inkin imiiaei. Mi mhoiia sima Adi Komii siiramin pi iikam nhirmi naeyim sim ninkin imiiaei. Mi Jisis siya ti kamim simiir hiriinan tani. Niingaka. Siya ta sairin ii kwiruwat tirkikin, iia siyar naowa paeyin hiiniya nirioninkinin si mi naeni haniinin siya siir piu aiirar ninkin imiiaekin, Adi Komii siirin. Siya siir piu aiirin naeni haniin minsi ninkin imiiaekin, iikamim simiir dimin bibiyeyim simiir haiyoprimdiyumiigiyam. Mi siya sair bi swoki tirkin, idipidipin. Niingaka. Hi gwiruwat siyar bidi tirkikiya. ²⁸Mi yaiya biia Adi Komii siya hauwa Mosesni, prismi biyan inkam komiim saeya nokmwini okwo haiginiuga. Mi ti kamim yim inkam paii rani, Adi Komii siya ha boinkin, simiir kwoinim dimin biyieki bidi yaokingugunankaiyim. Mi ta yai kirieya Adi Komii siya boinkiya mhoiia, ya siir yinisim iir nimbingiya sair nikopwaisisirkika. Jisis siya iki prismi inkam komii nhirim simiir hiriinan tani, siyu biye bi tirikin. Niingaka. Siya prismi biyan inkam komiigin omwai hiriyar waiya yokiyokiiaeyamikin. Iriig.

Jisis siya Adi Komii siir omaka ninomor kou hirana sair pris inkamkin.

8 ¹Mi ti digworaekwowim kara kimiir boinkiyim yim hiniingim, krimiir biyan prisin, siya ini kara boina ini sair hiriinanar nwokripkaiyin. Siya Adi Komii saikar nwowin, siir omin ninomor kou hir nwowin siir. Mi tariinanin siya ini Adi Komii siir iina inig miia nidwowin, maeyauwa kamim inig komiigakim digworaekwo whiekakim sim kigirkakiyim sima nidwowiya sair. ²Siya ini ninomor kou hir nidwowin mi siya ini prismi inkamnan miriyyin. Siya ti hiriinan diminin ini omaka Adi Komii siyar nonkwo miriia ninomor kou hir ini sair hir miriyyin. Ya tariigina ya saeya maeyaugimaeyaua Adi Komii siir inig iir hainaniya sairin inkamki bi nonkwo miriiga. Niingaka.

³Mi bidi bidiniyarin, siyu komii siir siyuin Adi Komii siya hauum Mosesni, iikamim sima sibgu apam siyuin prismi biyan inkam nokmwini okwo haiginiuwiyin, dimin taemin Adi Komii siir ninkin imiiaeyam mi hiriinanar mi tir. Mi krimiir prismi biyan inkamin yio ti hiriinan siyu iirar mi tir, dimin taeminim Adi Komii siir ninkin imiiaeyam. ⁴Mi Jisis siya nu tir nwokiswo, siya wi prismi biyan inkam di ywowi. Dimusi rani, nu tirin iriipi hiriinan pris inkamkakaigin dimin taemin ninkin imiiaeyamin Adi Komii siir, siyu komii siya boinkiya sair hiriinan. Mi sima Jisis siiram paniinsi kiwakisi. ⁵Mi miyim pris inkam

ima miriyyim, omaka Adi Komii siir inig iir hainaniya saiir, ya aknainan hindara niisiimauuga dimin taeminim ninomor kou hiranim Adi Komii siirim simiir. Mi biiya iya kingiin nwowa, Moses siya Adi Komii siir omaka hindara ini kaigriniu okwosasae mirii. Mi Adi Komii siya siirin hiniina boinki, kira dimin taeminim kara boinmimauuim simiirin sibgu tir. Kara niisiimauuwa, iya kira mhiu hir nwowa saiir hiriinan. ⁶Mi taka ii ailarin, Kraisi siya ini prismi biiyan inkam komiinan miriyyim mi ini iki miyyim biiya prismi biiyan inkam komiyyim sim miriyyim ini simiir haiburim. Mi ti hiriinan siyiuin, ta kitibmii boin wina Adi Komii krimiir Wanin siya nimbingiya Kraisi siir krime wakaeyokna apam ya ini biiya siya nimbingiya brougae wanwiyaekim sim wakaeyokna apam, ini saiir haibura ya tariigina ya ini ywowa. Dimusi rani, ta kitibmii boin wina krimiirin wi saeyar whinkinsis haiginiuskii. Biiyan nimbina krimiir brougae wanwiyaeyim simiir ya krimiir bi sibgu whinkinsis haiginiuga. Niingaka.

⁷Mi biiyan nimbina saeya iikam imiirin Adi Komii siir whwonkam ida dimin whirki kimbu karam nwokiswo mi Adi Komii siya wi yaeya kitibmii boin win di swoki imbini. Niingaka. ⁸Adi Komii siya bidi yinokninkinin siyiuin iikam ima tiranin. Mi siya hiniina boinki,

Mhoiia kara kariir iikamim Isrel hiranim Judami piugana saiirim wi yaeya kitibmii boin win swoki imbingii.

⁹Mi kariir kitibmii boin wina ya wi biiyan kitibmii boina kimiir brougae imiir iya kara simiirsi naingwoyimyoka, iya sima nu Isib hir nwowa mi simiirin ha kiyainaniyin saiir hiriinan tani. Niingaka. Kara kimiirin wi biiya kara kitibmii boina wi saiir hiriinan swoki kitibmii boin tani. Niingaka. Dimusi rani, kimiir brougaeyim sima bi sibgu apkim. Mi kara kimiir brougaeyim simiirin ti hiriinan siyiuin digiumii siirsi haimriiyugin.

¹⁰Mhoiia iya ta biiyan kitibmii boina saeya kigirkakim digworaekwo whiekakim sima digana, saeya digii mi kara Biiyan Inkam Komiiyin Isrel kimiir iikamim wi yaeya siyu boinki, kima napamin. Mi tariigina kara wi kimiir kwoinki kwoin iirar kinirkai haiginiugii. Mi kima wi wakaeyoknam nwoki aingwowim. Mi an kara wi kimiir Adi Komii nwoki owim mi wim kima wi kariir iikam nwoki owim.

¹¹Mi mhoiia ta ii aairin iikam whiekakim sima kariirin wa ninokninkini. Yipiki inigakim mi yipiki inig karamaeyim sima kariirin wa ninokninkini. Mi ta ii aairin iikamim sima wi simiir nu whiruwan iikamim simiirin wi hiniina boin tani, Kima Biiyan Inkam Komii siir dinokninkin. Niingaka.

¹²Mi kara wi simiirsi naingwo bumbuwu mi simiir dimin biyeyim sima tirim wi kara haiyoprimdiyumiigi. Mi kara simiir dimin biyeyim wi simiir swoki aingwo rani. Niingaka.

¹³ Mi biyan nimbina biya Adi Komii siya Moses siir nimbingiya ya ini biye ywokiya. Whisarii rani, siya krimiir ha boinkin, siya wi yaeya kitibmii boin win swoki imbingi. Krima bidi yinokninkinim ta biyan nimbina ya wi sapi namki, yuiis kaba inkamkin kabitkaigiya saiir hiriinan. Iriig.

**Biiya prismi biyan inkam komiiyim wraisu nhie
arar ninkin imiiyaekim Adi Komii siirin.**

9 ¹ Mi biyarin Adi Komii krimiir Wanin siya siir biigibiyan nimbina krimiir brougae wanwiyaeyim Isrel simiir iikamim simiir nimbngikin. Mi siya simiirin siyuu Adi Komii siir inig iir hainaniyim siir boinmauu wakaekin. Mi siya kam imiirin siyuiun omaka Adi Komii siir yaimin dimin nidwokai wakaeya saiir miriini siyuiun siir warar mi boinmimaau iripa sima nidwo wakaeyam. ² Mi sima sel omaka ira mirii mi ta omaka saiirin bopwoniya hiugripkiigi haimii haimiyo whisa ywo. Mi ti haimiyyin hiuyokiyokaikikaiyin anokar nwowinin, yio ha dapikin, dimin whirki kimbu karamae. Mi diminim pae haingimuhaiginiyim mi bretim Adi Komii siir ninkin imiiyaeyim yim ini ta maeyaua hiuyokiyokaiya ini saiirar nwokaiyim. ³ Mi sima yuiis kwira maeyau kwira hiuyokiyokaiya haimii whira nwowin siir ano iir yitimwaniu. Mi ta maeyaua ya Adi Komii siirgisiirga, siya nwowika. Mi ta maeyaua hiuyokiyokaiya saiirin inkam nwirki bi swoki amiminika. Niingakiniingaka. Mi sima ta maeyaua saiirin ha dapikim, dimin whirki bi kimbu miminka. ⁴ Mi dimin nhirim ini ta maeyaua hiuyokiyokaiya saiir hir nwokaiyim. Hiiya golni tira aka mi ta hiiya saiir idwo hirin haua wain piuii miyikakin siir op aiir naokin haingimugiya, piuii miyik nusiin whakim ini hir nwokaiyim. Mi miya kwira paeni sima nirimtioninkin miriia saiir idwown sima golni miriigikim mi ya ini hir warar mi inkin okaiya. Mi ta miya sima saiirin ha dapikim, nimbin tibmiini miyaka. Mi ta miya saiir yainau hirin mobmir kwira golni sima nonkwokwowa ini hir warar ninkin okaiya. Mi ta mobmira saiir yainau hirin, naeyim Adi Komii siya hauuwim iya sima nu siiyin apain siir hir nwowa ini hir nwokaiyim. Mi paekopin biya Eronki si hogwokwo apin, siirin Adi Komii siya tirkikin, yio ini nhwokakar mi okaiyin ta miya aiirin. Mi siya nhiswo Adi Komii siya winkiyo kitibmii boin yayim sim yo ini hirar mi inkin okaiyo. ⁵ Mi ta miya saiir idwown sima Adi Komii siir paekwosimwo nwisu yonkwokwo haigin hinda niisiimauuwam. Mi sima ti paekwosimo sowiir kigo mi sima boin, Adi Komii siir dimin miyik miyikim paenan niuyaeiyim ini tir nwowim. Mi ti paekwosim nwiswo hinda niisiimauugo sowa pidgakako. Mi ta maeyaua iikami dimin biye haiyoprimdiyiumiia ini sowiir pidga owar yirinugiya mi ti diminim simiir dimin mwokimwown, kara pi kimiir boinmauu rani. Niingaka.

⁶Mi mhoiia sima digworaekwowim diriraerar digim mi pris inkamim, sima ta maeyaua hiuyokiyokaiya anoka kingiin nwowa saiirin bi siiskim dimin taeminim Adi Komii siir ninkin imiiaeyim. ⁷Mi biewi biewiyim, prismi biian inkamin siya ta maeyauwa hiuyokiyokaiya dimin whirki kimbu karam nwowa saiirin ii kwiruwar namikin. Siya whisarii bi namikin, siya meme bulmakau iini nhieyim, pi simiir hainami Adi Komii siir ninkin imiiaeyam iikamim hinda whaowaeya priidiriraerarim simiir dimin biyie imiir haiyoprimdiyumiigiyam. ⁸Mi Moses siir yayim iikam krimiirin ta maeyauwa Adi Komii siya nwowiya, saiir kigninkin apninopkaiyam bi boinkin. Mi ti hiriinan siyiun, Adi Komii siir naeyiun yio krimiir niisiimauugin, iikamim Moses siir yayi aiir wakaeyoknaim sima wi Adi Komii siiram swoki haiyiug naingwo rani, iripa saikar nongwomamair aeyam. Niingaka. ⁹Mi ta Moses siir yayia ha boina iikamim, Adi Komii siirgisiir maeyauwa hiuyokiyokaiya dimin whirminwhirminki kimbu karam nwowa saiir kipi napninopkainam. Ya aknaini haniin hindara niisiimauuga krimiir. Mi ta iia pris inkam ima ninkin imiiaeya, Adi Komii siir ya iikamim simiir kwoinim rirmiia simiir bi nwowaiginiuga. Niingaka. ¹⁰Mi yim ti yayim yim krimiir kinsiis haiginiuwankim, naeyim yim naeyankim mi opa ya kwiaeyanka mi siyiun op whaui ikin mi krime ti siyu imiir sibgu api mi Adi Komii siya wi ha boini, krimiir piuim, yim piu wadiekim, siyu komii siya boinkiya saiir hiriinan. Mi ti digworaekwowim simiir yayim yim krimiir kigriraowankim. Tariinanar tir bwakainakiyin mi wi iia Adi Komii siya digworaekwo whiekakim simiir kigirkakana wadiekiwadie nwowi, wi saiirar nadigiuiwi.

¹¹Mi Krais siya krimiiramin prismi inkam komiinan nitkin siir dimin taemin miyik miyikim simiirin krimiir hauuwam. Mi tariigina ya krimiir bidi yimbiniya mi siya prismi miia bidi miriigikin. Mi siya ini Adi Komii siir oma hiriir yapninopkainamin. Ya ini sel omaka biian kamim sima tira ini saiir haibura. Mi ti Adi Komii siir om winin siirin inkamki bi tirkin, yio nuan diminki waeyao. Yio Adi Komii siirgisiir omin ninomor hiranin siirgin. ¹²Mi iia Krais siya naonama siya ini Adi Komii siirgisiir maeyaua dimin whirmin whirminkin kimbu karamae nwowa Adi Komii siyar nwowiya ini saiirar yapninopkainamin. Mi siya wraisu nhie bi hainamkin prismi hiniin, siir ninkin imiiaeyam. Niingaka. Siya siir nhieya nua naokiinainama saiirar haininopkainamkin ta maeyaua Adi Komii siyar nwowiya dimin whirki kimbu karam nwowiya saiir hiriirin. Mi Adi Komii siirin saiirar ini hauuwu mi siya kwiruwar napninopkainamin, siir nhie aiir ninkin imiiaeyam, ini saeyar digi iskiya. Mi siya wi mhoiia idip idip swoki tir tani. Niingaka. Siya ti siyu hiriinanin minam tirkin krimiir whinkinsiis haiginiuwim mi krimiir nanmaiwarkainam. Mi krime wi omwai saikar nwoki

waiyayokiyokiikaeyamim iinokiinokin. ¹³Mi meme bulmakau iini nhieyim krimiirin wi paniina whinkinsiisi, ha? Saeya krimiirin wi ti hiniina whinkinsiisi. Mi iikam nhirim diminim Adi Komii siya boinim, hiniin kipi naingwo, sima simiir nonkwowi mi Adi Komii siya simiirin wi ha boini, simiir piua miyik rani. Dimusi rani, sima ti diminim Adi Komii siya boinin, hiniin kipi nonkwo, siir bidi yonkwowim. Mi siir piua biyie pi hiriir nwowinaka mipi pris siyar hainiyop nami meme bulmakau iini nhieyim pi whrin min aka ninkin hainiyopnami. Mi mhoiia Adi Komii siir yaiya pa swoki boinkii, sima ini wadieyar swoki okiyim, ti diminim simiir piua wadie sima bidi ywohaiginiugiyim. Mi meme, bulmakauni nhieya ya idan piua wadie sairrarar nwows aiginiuwi. Mi Kraisiya, Biyan Inkam Komiiyin, yio ini meme bulmakau sowiir haiburin. ¹⁴Mi siir nhieya ini meme, bulmakaumi nhieya mi simiir whrin ima, ini simiir haibura. Mi mii bibiyeyim naekak nwokaram nwoyiyim mi dimin bibiyeyim iikami kwoinau nwokaiiyim simiirin saeya bidi haiyoprindiyumiigiyim. Mi Adi Komii siir naeyiuin siirin siyar whindiriraerarkin, yipikin dimin biyie whir karamaeyin, siir nhieya sair ninkin imiiaekin Adi Komii siirin. Mi siir nhieya iikam krimiir whinkinsiis haiginiuwim mi krimiir dimin biyeyim simiir haiyoprindiyumiigiyim wi digar nwowi. Mi krima Adi Komii siir yai aiir wakaeyokna apim wi digar nwowi, yipikin omwai waiyayokiyokiiaiyin iinokiinok. Dimusi rani, siyiu whir karamaeka hiriinan tirim.

¹⁵Jisis siyairgin iikamim nuanim mi Adi Komii siya, krimiirar kaoprige irkakiyin ta kitibmii boin wina krimiiram nita iikamim wakaeyokna apim sair kirie haiginiuwam. Mi nim krima iikamim Adi Komii siya nimbinim siir iikam nwowam, krima wi omwaiya waiyayokiyokiii, saikar iinokiinokin. Mi wi dimin kibi kibiyim biya Adi Komii siya nimbinim wi simiir haii. Dimusi rani, siya Jisis bidi yaowin. Jisis siyairgin iikam krima mi Adi Komii siya krimiirar kaoprige irkakiyin ta kitibmii boin wina sair kirie haiginiuwam. Ya mhoiia nitka iikamim sima wakaeyokna apam. Siya iikamim simiirsi naokin simiir dimin biyeyim sima tirim simiir haiyoprindiyumiigiyam iya sima biyan kitibmii boin aiir napim. Mi sima wi saika nwoyokiyokiikaeyami, iinokiinokin.

¹⁶Mi iya inkamin omwaiyar niki waiyaeiyin, siya yinisisimim simiir inigim pa wini yokwoni mi dimin taeminim sima mi haiyanim yim iriipi hiriinan pa mi wini. Mi siir mhoiia iya siya naonama siir yinim pi yokwo aiira kigmak hid haii. Sima pi hindara priihai priihai rani. Niingaka. ¹⁷Mi inkamin omwaiyar niki waiyaeiyin mi ta yokwowa siya wina, siir dimin taemin imiir, ya ini hiriirar niki owa. Mi mhoiia iya siya naonami, siya pi haini winmimaugigi digworaekwowim siir yin ima haiyanim. ¹⁸Adi Komii siya biyan kitibmii boina sairrin wraisuim sima nisomsom aowim mi simiir nhieyim ha naokiinaianamim simiirsi

kirie haiginiugin. Mi nhieyim iikam imiirin wi simar nwowaiginiuwu dimin taeminim Adi Komii siya nimbinim simiir haiyamin. ¹⁹Mi Adi Komii siya siyu komiiyin Moses siir hauuwin mi Mosesin yio kimidiniya Isrel simiir iikam imiir hauu. Mi ta iya siya bulmakau haomin siir nhieya opaka yinkin aokaigi twonau. Mi siya paeyakwiyam ha mi hai mi sibsibni pio pariidnanim, ha mi haiyin mi siya ti sibsibni piowim ti paeyakwiyam simakar yin udgi. Mi siya kimidiniyan haunairin op nhieki nwomaiyin siir hopmaigi. Mi kimidiniya Yokwo Komiiya Adi siir yaigi nwowa Moses siir hauugiya saiir iyairpasoknam. Mi siya iikamim simiir piuim simiir warar yinkin iyairpasoknam. ²⁰Mi iya Moses siya yokwo aeya mi iikam ima simiirin ha niyairpasoknamin mi siya simiirin hiniina boinki, ti wraisuim simiir nhieyim ti kara niyairpasoknamim, yim ta biiyan kitibmii boina saiir kirie haiginiuga, kima Adi Komii siir yai imiir wakaeyokna apim. Mi kima wi yayim Adi Komii siya boinkiyim biiya, kima wakaeyokna apam wi simiir wakaeyokna ap. ²¹Mi Moses siya Adi Komii siir sel omaka saiirin iriipi hiriinanar mi iyairpasoknam. Mi digworaekwo whiekakim saiir hir nwokaiyim, iikamim sima iripa haingiriyu idwokaiyuiwym, iya sima Adi Komii siir inig iir hainaniyim mi ha diriraerariyim, simiirin warar mi inkin iyairpasoknam. ²²Mi ta yaya Moses siya winkiya Yokwo Komii saiir, saeya hiniina boinkika, mi kira ti digworaekwowim simiirin hiriinan niyairpasoknami wraisu nhieni, sima wi dimin whirki kimbu rani. Niingaka. Mi kira nhie simiir niyairpasoknam karam nwowi, saeya boina saiir hiriinan Adi Komii siya wi simiir dimin biyeyim wi haiyoprimdiyumiigi rani. Niingaka. Iriig.

Krais siya naeni haniin siir piu aiirar ninkin imiiaekin Adi Komii siirin, krimiir dimin biyeyim simiir haiyoprimdiyumiigiyam.

²³Mi ti miyim mi ti nuan digworaekwowim krime tiriyim yim hendarar niisiimauugim iki dimin kiingikiinim ninomor kou hir nwowim simiir. Moses siya digworaekwo imiirin wraisu nhieni minam niyairpasoknamkim, sima whauriyina nwowam. Mi ta nhie hiriinana iki dimin miyik miyikim Adi Komii siir om hir nwowim simiirin wi whauriyinan saeya nwowaiginiu rani. Niingaka. Jisis siir nhieya sasarga whauriyinan iikam imiir nwowhaiginiuwu. Mi ta hiriinan saiirsika sima wi Adi Komii siir om iir asi nami. ²⁴Mi Krais siya Adi Komii siir maeyaua hiuyokiyokaiya, dimin whirki kimbu karamae nwowa omaka inkamkar nonkwo miriia nu tirana, saiir omaka yainau nwokaiyin siir bi napninopkainamkin. Niingaka. Siya Adi Komii siirgisiir om iirar namigusamkin. Mi siya ini Adi Komii siir whwonkam ida nidwowin, siir ina inig miya mi siya ini nhwo krimiiramar kwis boinin. ²⁵Mi biewi biewiyim prismi biigibiian iikamim sima

Adi Komii siir maeyaua hiuyokiyokaiya dimin whirminwhirminki kimbu karam nwowa sairin ii kwokwirar napninopkainamikin wraisu nhie Adi Komii siir ninkin imiiaeyamin. Mi yio Krais siya ta maeyau aiirin idip idip bi napninopkainamkin siir nhie aiir ninkin imiiaeyamin Adi Komii siirin iikamim simiir dimin biyeyim simiir haiyoprimdiyumiigiyamin. Niingaka. Siya kwirkikwiruwar namkin siir nhie aiir ninkin imiiaeyamin Adi Komii siirin. ²⁶ Mi Jisis siya hiriinan tirkiswo mi siya paeyin hiiniya nirioninkin siirin wi ii kasakasa di naowi. Iiya Adi Komii siya nu siirar nonkwokwokiyan mi ha nityokiyokiigiswo mi wi tariinanar pi yadigniyin. Mi Krais siya nu tiriir nitin, siya ii kwirkikwiruwar nauuni aonikin nu tirin ini sasair ywowiskiia. Mi iia dig kingiin nwowa, Jisis siya ha nitin mi siya paeyin hiiniya nirioninkin siirin ii kwirkikwiruwar nauuni aoniyin mi siir nhieya ha naokiinainiya mi siya sairar yinkin imiiae Adi Komii siirin, iikamim simiir nanmaiwarkainaim simiir dimin biye imiirsi mi sima Adi Komii siir whwonkam idain wi dimin whirki kimbu karam nwoki owim. ²⁷ Iikam whiekakim sima wa naowi mi mhoiia sima Adi Komii siir kigi, simiirin wi siyar hidi. ²⁸ Mi hiriinan siyiun Krais siya ii kwiruwar nao iskikin Adi Komii siirin siyar swoki inkin imiiaenam. Siya siir nhieya iikamim simiir dimin biye biyeyim simiir haiyoprimdiyumiigiyam ninkin imiiaekin. Mi mhoiia siya swoki iti, siya wi iikamim simiir dimin biyeyim simiir haiyoprimdiyumiigiyam nit rani. Niingaka. Siya iikam yipikim siiram wakaeyokna aingwo tibmiyim mi iia siya nitana sairam nwokwokinim wi simiir nanmaiwarkainami sima siir om hiriir namam. friig.

**Biian naeyim sima ninkin imiiaeya, ya dimin
biyeyim simiir bi haiyoprimdiyumiigikim.**

10 ¹ Mi siyi komiiyin biia Adi Komii siya hauugiyin. Mosesni, yio diminkidiminim mhoiia nimbiyamanim krimiir, aknainan simiir niisiimauugin. Mi biewi biewiyim, pris inkamim sima hirihiirinan naeyim simiir simiirar ninkin imiiaenanae; Adi Komii siirin iikamim simiir dimin biye imiirsiyin. Mi siyi komiiyin Adi Komii siya hauugiyin Moses siir siya wi dig nwo rani, iikamim yipikim Adi Komii siiram nitim simiirin dimin whirki kimbu karam nwowim. Niingaka. ² Mi ti digworaekwowim Adi Komii siir sima ninkin imiiaeyim iikamim yipikim Adi Komii siir inig iir hainaniyim simiir dimin biyeyim simiir kwoinau nwokaiyim simiir digikiswo mi sima wi yaeya nae di swoki inkin imiiae Adi Komii siirin simiir dimin biyeyim simiir kwoinau nwokaiyim simiir digiyamin. Niingaka. Dimusi rani, simiirin wi dimin biyekak diyowoi. ³ Mi iia sima hirihiirinanar ninkin imiiaenanaeyim biewi biewiyim mi iikamim pa swoki aingwokii, dimin biyeyim sima

tir imiiramin. ⁴Sima ti hiriinan siyiuin ii kasa kasa bi tirkim. Dimusi rani, Adi Komii siya bidi yinokninkinin bulmakau meme ini nhieyim, iikamim simiir dimin biyeyim wi saeya digi rani. Niingaka.

⁵Mi iya Krai siya nitam naingwowa siya Adi Komii siirin hiniina boinki,

Kira iki siyiuin iikamim wraisu sima nisomsom inkin imiiaeyin kiriir siiramin kira maigimaiga nwo rani. Mi kariirin kira piugak hiriinansi nwowainiugin.

⁶Mi kira wraisuim kiriir hii aiir haigin anagiyim mi dimin taeminim sima ninkin imiiaeyim kiriir, simiir dimin biyeyim sima tirim simiir digiyam, kira simiiramin maigimaiga bi nwokim.

⁷Kara Kraiskin, kara kimiirin pi hiniina boini, Adi Komii, kira kariir kigi, kara tisi tapi nwowin. Kara digworaekwo whiekakim kira naingwowim simiir tiram tiri, biya sima winboinkiya kariirin kiriir Yokwo Komii aiir saiir hiriinan.

⁸Krais siya biya hiniina boinkin, kira ini yimiiyuwin iki diminpai diminpaiyim, inkamki ninkin imiiaeyim kiriir simiirin. Mi kira wraisuim kiriir hii aiir haigin anagim kiriir ninkin imiiaeyam iikamim simiir kwoinau nwokaayim dimin biyeyim simiir digiyam, yim ini mi imiiaeyim Krai siya ti simiirin hiniina boinkikin. Mi yio siyu komiyyin Moses siya winkiyin Yokwo Komii yio ha boinkikin hiriyar tir. ⁹Mi mhoiya siya ti yai imiir boinkiyin mi mhoiya siya Adi Komii siirin hiniina boinki, Adi Komii kira kariir kigi, kara tisi tir nwowin. Kara digworaekwo whiekakim kira naingwowim kara tiram, kara simiirin wa tiri. Mi yim ti yai hiriinanim yim krimiir boinmauu wakaekim. Biyan siyiuin nae iikamim sim ninkin imiiaeyin Adi Komii siir, yio Krai siya bidi digiyin. Mi simiir igsopa ini siyar yokwairinanaowidin. ¹⁰Jisi Krai siya dimin taeminim Adi Komii siya naingwowim siya tiram siya simiir wakaeyokna tirkin. Mi siya kwirkikwiruwar naokin siir pua saiir ninkin imiiaeyam Adi Komii siirin. Mi siya iikamim siir siyu iir napim, simiir dimin biyeyim, wi simiir nwoki digiyim. Mi sima Adi Komii siir whwonkam idain wi dimin whirki kimbu karamae nwoki owim.

¹¹Mi pris inkamim sima mii Adi Komii siir omaka aiir nokwo miriyyim mi nonkwo inkin imiiaeyim Adi Komii siirin, sima inokiiinokin hirii hiriyar tirikim. Mi ya tariigina iikam krime tirim dimin biyeyim simiir haiyoprimdiyumiigiyim wi dig nwo rani. Niingaka. ¹²Mi yio Kraisin yio siyar ninkin imiiaeyim mi ta saiirin kwiruwar tirkikin. Mi iikamim simiir dimin biyeyim ini saeyar haiyoprimdiyumiigiyim. Mi ta ii kwiruwa siyar tirkiya, inokiiinokin wi saeyar nwoyokiyokiii. Mi ta saiir mhoiya siya ha nini idwoiugin Adi Komii siir ina iniig miyan. Dimusi rani, siya Adi Komii siir hiriinan inkam komiigin. Digworaekwo whiekakim, siyar kigirkakikin. ¹³Mi siya ini Adi Komii saika hirar

nidwo kaoraraowin iya siir sau omomin Adi Komii siya hainururninkin haiginiugii. ¹⁴Krima bidi yinokninkinim, Jisis siya kwirkikwiruwar naokin siir piu aiirin Adi Komii siir ninkinimiiyaeyamin. Mi siya iikamim yipikim Adi Komii siya haiyopriimdiyumiigiyim simiir dimin biyeyim, simiirin dimin whirki kimbu karamaeyin siya nwowaiginiugin. ¹⁵Mi Adi Komii siir naeyiun krimiirin ti hiriinan dimin iirar mi boinkin. Mi biiya siya hiniina boinkin,

¹⁶Biiyan Inkam Komii siya hiniina boinkin mi iki iiyim mhoiia nitim kariir kitibmii boina wi iikamim simiir hauwi. Mi ti kariir siyiu komiyyin wi simiir kwoinkikwoin imiirar kinirkai haiginiuwi. Mi sima wi saair saira nwoki aingwokwonanaeyim.

¹⁷Mi siya yai nhirim ina swoki boinkiyim, siya hiniina boinki mi kara dimin biyeyim simiir kwoinau nwokaiyim, wi simiir swoki aingwokwomimin tani mi siyiu biyeyin, sima tiri ikin. Niingakiniingaka.

¹⁸Krimiir dimin biyeyim Adi Komii krimiir Wanin siya bidi haiyopriimdiyumiigiyim. Mi iikamim Adi Komii siiramin wi swoki inkinimiiyaemimin tani. Niingaka. Yio hiriinan siyiun yio bidi digiyin. Iriig.

Krima Adi Komii siiram daingwo tibmii kiin mi saika damasukikin.

¹⁹Mi ti kariir akamim, krima Adi Komii siirgisiir maeyaua siya nwowiya dimin whirmin whirminki kimbu karam nwowa saairin wa napninopkai nami. Dimusi rani, Jisis siya paeyin hiiniya nirioninkinin siir naowin mi siir nhieya ha naokiinainiya mi krimiir dimin biye biyeyim ini saeyar yiinakiyim. Mi ta hiriinana sairsika iya krima nhwo kwisboinkii mi krima hiriirin wa napninopkainami. ²⁰Mi ta siya naonama, siya minam naonamkin krima Adi Komii saika nwoki boinaiyim. Mi ya tariigina ya hiniinga ta yuiisni haniin bopwoniya siya niinikiwitkiya krima napninopkainamim maeyaua Adi Komii siya nidwokaiiya dimin whirki kimbu karama nwowa krima namsi saair nitimwaniuwa ya ini siir piu aeyar niyoknamnan ywowa. ²¹Mi krimiir biigibiiyan, prisin, siya ini omwaiyar swoki waiyain. Mi siyairgin, digworaekwo whiekakim, Adi Komii siir om hir nwowim. Mi iikamim siiram naingwo tibmii kiinim mi siir yinisim nwowim simiir kigirkakanin. ²²Jisis siya siir nhie aiirar niyairpasoknamkin iikamim krimiir kwoinau nwokaiyim dimin biyeyim simiir haiyopriimdiyumiigiyim mi krimiir kwoinim rirmiia nwokiyim. Mi siya krimiirin op miyikimiyik aiirar baptais haiginiugin. Mi ta hiriinana sairsika krimiir piuim whauriyina asi nwokim. Mi tariinanin krima Adi Komii siir kingiinin wa nwoki amim. Dimusi rani, ti hiriinan diminim Jisis Krai siyar tirkin. Mi krima kwoin biyeyim krimiir kwoinau nwokaiyim niksisaeiyim simiirin wi asi niuguskii. Mi krima

Adi Komii siiramar dinmiininkin, ta krīma tira saiir hiriinan. Mi krīma kwoin whirua saikar dwo. ²³Krīma digworaekwowim krīma naingwo tibmiiyim simiiramin sibgu wakaeyokna ap. Krīma simiirin digiumii kipi haimriiyu. Dimusi rani, krīma bidi yinokninkinim digworaekwo whiekakim biya Adi Komii siya nimbinim siya simiirin wa tiri. ²⁴Krīma, krimiir iikam nomiiyauwim naingwo tibmii kiinim simiiram daingwo. Mi krīma irni nwirni dinan whinkinsiis ankinsiisna. Mi krīma irni nwirniyamar timi aingwokwo. Mi irni nwirniyin siyu miyikimiiyik iirar timi tir. ²⁵Mi krīma siyuiin iraka nwiraka haingiriyu owiyin Adi Komii siir inig iir hainam siir kipi haibur. Niingaka. Iikam nhirim yim ti siyu hiriinanin siir bidi haiburgigim. Mi nim krīma wi hiriinan kipi tir. Dimusi rani, iya Krai siya swoki itana ini kingiin nwowa mi krīma irni nwirni whinkinsiisamin miinan mirii.

²⁶Mi krīma ta Jisis Krai siya naonama iikamim simiir dimin biyeyim simiir haiyoprimdiyumiigiyam, krīma saiir yaimwokiayimwo aiirin bidiyar iki wakaeyim. Mi krīma siyu biye krimiir kwoinkar swoki aingwo tiri mi Krai siirin digiumii ha haimriiyugigi mi yaeya inkam nwir karamaeka, siir nhieya saeya simiir niyairpasoknamim Adi Komii siir ninkin imiiaeyam, krimiir dimin biyeyim simiir haiyoprimdiyumiigiyam. Siyu whir karamaeka. Niingakiniingaka. Sima wi hiriayar nwowi. ²⁷Mi krīma ta yaimwo aiirin hindara nimiiyu iugusami mi mhoiia krīma wa nididi Adi Komii siya boinwokiopnatkaigisiyin mi siya nitnoudnankaigiisiyin paeya. Mi krimiirin wi maeyauwa iikamkim, sim niurimtiokaigiia wi saiir hiriir kabitnouwidnankaigii. Mi simiirin wi hiriayar niurimtiokaeyami iinokiinokin. ²⁸Krīma bidi yinokninkinim nwis nwoimgi kigii, inkam nwirin Moses siir siyu iir nap karam nwowi mi Isrel simiir iikamim, simiir biyanim sima siirin wi donkwo. Mi siirin wa dipimpar aoki. Mi sima wi siirsi kipi haigwo. ²⁹Mi kima paniina naingwowi iya iikamim sima Adi Komii siir yinisimin digiumii siir haimriiyugigi mi Adi Komii siya simiirin wi paniina tiri, ha? Siya simiirin wi hik prasae prasae hau rani, wi hindara nonkwobumbuninkin iuguskii. Mi ti simiir siyuiin Adi Komii siir yinisimin digiumii siir haimriiyuiin yi sima hiniina boini, ta Jisis siya naonama paeyin hiiniya nirioninkinin si mi siir nhieya ha naokiinainiya ta kitibmii boin aiir kirie haiginiuwam mi sima ha boinkim ya tariigina ya dimin komii rani. Mi sima siyu kibiyin Adi Komii siir naeyu ieya tirin krimiir siirin ini hindara yitkinisugiyin. Mi ti siyu hiriinanin sima tirin yio miyikimiiyik rani, ini biyeeki biye ywowin. Mi Adi Komii siya simiirin wi hik asi hauuwi. Mi simiirin wi asi nonkwobumbuninkin iuguskii. Mi Jisis siya naonama mi siir nhieya ha naokiinainiya, siya hiniina boinkin, kima ta saiir wakaeyokna ap. Mi Jisis siir nhieya krimiirin saeyar whinkinsiis haiginiugin mi krimiir

dimin bibiyeyim saeyar haiyoprindiyumiigikim. Mi krime dimin whirki kimbu karamae asi nwokim. ³⁰Krime bide yinokninkinim yaiya Adi Komii siya boina ya hiniinga, kara iikamim siyiu biye kariir tiriyim simiirin wi yamdiyar swoki tiri. Mi yai gwira siya mi boina ya hiniinga, Biyan Inkam Komii kara kariir iikamim simiirin wi kara hidi dimin taeminim sima tiriyim simiirsi. ³¹Mi Adi Komiiyin, yipikin omwai waiyayokiyokiiyin, siya wi iikamim siyiu biye siir tirim wi simiir hidi. Mi ti dimin hiriinanin wi dig siya nwo haiginiu rani. Niingaka. Mi yio hiriinan diminin, simiirin wi nidid prasae prasae nwo rani.

³²Kima dimin taeminim biigi bii kimar wakaeyim Kraisiir mi ha wakaeyokna naingwo tibmii kiinim, simiiram ti swoki haiyiug naingwo. Mi kima naingwo tibmii kiina sair mhoiia dimin biye kasa rani, kimiir naingwo tibmii aiir tirbuwanim. Mi yim ti hiriinan dimin biyeyim sima wi kimiir nikwowsaii rani. Niingaka. ³³Mi ii nhirim iikam nhirim pi kimiirar mi igbumbuwi. Mi siyiu biye pi kimiirar mi tiri iikamim simiir whwonkam idain. Mipi kimiira mi iewaiyiwi. Mi ii nhirim kima bidiyar mi kigim iikam nhirim iki iikam miyikim simiir tirim siyiu biye. Mi wim kima simiir whinwo, kirie sima nwowam. ³⁴Mi kima iki iikam miyikim miyikim iki iikam biyeyim omaka hiuyokiyokaiya, sima hiugripkiikikaiyim simiirsiyin naingwoyimyok prasae bi kinkim. Mi kima iikamim kimiir dimin imiir tauae haiyim io bi nwokim. Niingaka. Mi ti digworaekwowim ini simiirar mi kigninkin haigiyim. Dimusi rani, kima bide yinokninkinim, Adi Komii siya kimiiramin dimin miyikim miyikim imiirar haiginin mhoiia kima haiyamin. Mi ti digworaekwowim ini ti digworaekwowim sima tauae hainamim kimiir waraurankin ini simiir haiburim. Mi yim ti digworaekwowim wi hiriyar nwoyokiyokiikaeyami. ³⁵Biiya kima kirieyar nwokim mi Adi Komii siir siyiu iirar sibgu apkim. Mi kima wi kipi nidid dimin biyeiki kimiir tirbuwam tiri. Kima bide yinokninkinim mhoiia Adi Komii siya wi siir dimin kibiki kibi iirar hauugi yipiki siiram sibgu wakaeyokna naingwo tibmii kiinim simiir. ³⁶Mi kima sibgu donkworinu mi Adi Komii siir yai imiirarar wakaeyokna ap. Mi mhoiia kima, digworaekwo whiekakim Adi Komii siya nimbingiyim simiir mirii digi mi siya kimiirin wi dimin miyiki miyikim siya nimbinim yipiki siiram wakaeyokna aingwo tibmii kiinim wi simiiram hauugi. ³⁷Kima kirie dwo. Dimusi rani, Adi Komii siir yaiya Kraisiir win boinkiya Yokwo Komiini siya hiniina boinkikin, wi iimwan mwan rani, siyarin wa swoki kwiti. Siya wi ii hoimgak nwo rani.

³⁸Iikam miyikim miyikim yipiki kariiram naingwo tibmii kiiniyim sima iinok iinokin wi omwai kanakar waiyayokiyokiii. Mi kimiir nhirkim kariirin digiumii haimriiyiwi mi kara wi maigimaigra kimiiram nwo rani. Niingaka.

³⁹Krima iki iikamim digiumii Adi Komii siir haimriiyuwiyim simiir hiriinan tani mi Adi Komii siya krimiirin wi ha nonkwobumbuninkin tani. Niingaka. Mi nim krima iikamim Adi Komii siir yai aiir wakaeyokna apiyim krimiirin wi siya whinkinsiis haiginiuwi mi wi siya nanmaiwarkainaei. Iriig.

Siyyuin krima naingwo tibmii kiinanin siya.

11 ¹Naingwo tibmii kiiniya hiniinga mi iiya krima diminim Adi Komii krimiir Wanin siya boinim, simiiram naingwo tibmii kiini mhoiia nimbiiyamanim mi krima hiriir naingwo tibmii kiini, sima wa nimbiiyami. Mi krima tikinim nitim simiiram asi nwowi. Krima simiir kig rani mi krima hiriir naingwowi, sima ina nwowim. Dimusi rani, Adi Komii siya bidi boinkiyin, sima ina nwowim. ²Mi biiya, brougae nhirim sima Adi Komii siiramar naingwo hiririu kiingim mi siya big nasmirwaiya simiiram asi nwokin.

³Krima hiriir naingwo tibmii kiini, digworaekwo whiekakim siya boinim, yim kaimwokinairgim. Krima bidi yinokninkinim, iiya nu ninomor sowa nimbiiyama Adi Komii siya hindara yai ara boinkin. Mi sowa ina yimbimbiiyamwo. Digworaekwo whiekakim ti krimar kigim yim Adi Komii siyar tirkikim mi ti digworaekwoim, siya nonkwokwowim krima bi kigim, siya paniina namisi onkwokwokin.

⁴Mi inkam nwirin, siir inigin Ebelkin, siya Adi Komii siiram naingwo tibmii kiingin mi siya dimin taeminim Adi Komii siir asi ninkinimiiyaekim. Mi ti siya ninkinimiiyaeyim, yim ini siir yaowaeyin Ken siya ninkinimiiyaeyim ini simiir haiburim. Adi Komii siya hiniina boinkikin, ti naeyim siya ninkinimiiyaeyim wadieki wadiekim. Mi Adi Komii siya siir boinki, siya dimin whirki bi kimbugin. Whisarii rani, siya siir siyu iir sibgu apkin, siya tira saiir hiriinan. Mi bidi bidiniyarin, Ebel siir naingwo tibmii kiina ha nwowa mi siya ha naonamkin. Mi ti yayim Yokwo Komii saeya boinim dimin taeminim siya tirim simiir, yio krimiir niisimaugim, piki hiniin dimin ikin krima tiriyim, Adi Komii siya maigimaigra krimiir nwowanim.

⁵Inok siya bi naonamkin. Dimusi rani, siya Adi Komii siiram naingwo tibmii kiingin mi Adi siya siirin siyamar asi nikiunamkin. Mi iikamim sima siiram ha hansirnanaeyim, sima siir bi swoki kigmiminkim. Niingaka. Dimusi rani, siirin Adi Komii siyar bidi yikiunamin. Mi Adi Komii siya siir yaiya sima winboinkiya Yokwo Komii saiir, saeya hiniina boinkika. Mi iiya siya siir niki ikiunam karam niki owa, ninomor koua hiriir mi dimin taeminim siya tirim, siirin maigimaigra simar nwowaiginiugin siiramin. ⁶Mi yipiki Adi Komii siiram naingwo tibmii kiin karam nwowim mi dimin taeminim sima sibgu tiriyim, Adi Komii siya simiiramin, wi simiiram maigimaigra rani. Niingaka. Mi yipiki

Adi Komii siiram naingwowin, siir siyiu iir sibgu apim mi mhoiia siya dimin miyik miyikim wi ti iikamim, yipiki siir siyiu iir sibgu apim wi simiir hauuwi.

⁷Mi bidi bidiniyarin ta ii aiirin, iia Adi Komii siya Noa siir boinkiya mi siya siirin hiniina boinkikin. Dimin biyie whirin wi sipi nimbiyami mi ti diminin, yio opud naoki. Mi Noa siya ti digworaekwowim simiir bi niki kigim. Siya hindara naingwo tibmii kiingin digworaekwowim Adi Komii siya boinim siir, sima wa nimbiyami. Mi siya siyaiia ira yonkwokwo mi iia siya saiir nonkwokwo digiyin mi siyar kigi, opud naowo, nii okwonaniyo. Mi siya mi siir wigyin ima simaniiyin ina yapninopkainamim. Mi simaniiyin ini siyaiinau hinar ywokaayim. Mi sima paniinsi yaosi. Siya iikamim siyiu bibiyie tirkaeyamim simiir niisiimauugin. Dimusi rani, siya siyairgin Adi Komii siir yaiya saiir wakaeyokna naingwo tibmii kiinin. Mi yim sima. Niingaka. Mi Adi Komii siya ha boinkin, Noa siya inkam wadiekiwadie ieyargin. Dimusi rani, siya siirgisiir yai aiirar wakaeyoknakin.

⁸Mi Ebrahim siya yaiya Adi Komii siya boinkiya siir, siya saiir wakaeyin mi siya hiriir yaingwo tibmii kiinin, ta yaiya yai kaimwowaiga. Mi siya siir om iir ha haiburgigin mi siya kimidiniya om whira yam. Omin Adi Komii siya siir hauuwanin siir. Mi omin Ebrahim siya namanin, siya bi ninokninkinkin. Siya Adi Komii siiram naingwo tibmii kiingin mi siya asi namkin. ⁹Ebrahim siya Adi Komii siir yai aiiram naingwo tibmii kiingin. Mi siya ti omin Adi Komii siya boinin siir asi nakripii whiniugin. Mi siya amir omaka saiirarar nitkin whinkin, inkamin nu op karamaeyin hindara priiyakiiririyin siir hiriinan. Mi Aisak siya mi siir yinisim ieya Jekop yoniiyin iriipi amir omaka saiirarar mi itkin whinko, Ebrahim siir hiriinan. Mi yo sowa iriipi hiriinan wi ti hiriinan digworaekwowim Adi Komii siya nimbinim Ebrahim siir, wi simiirar mi haii. ¹⁰Mi Ebrahim siya amir omaka saiirarar whwonkaigin. Dimusi rani, siya Adi Komii siiram nwokin, omin siya miriikwokinin, siir namim. Mi tiki omin yio hiriirar nwoyokiyokiikaeyamikin bi digikin. Niingaka.

¹¹Sera saeya bidi yaingwo tibmii kiina. Mi saeya ta yaiya Adi Komii siya boina, saiir saiira naingwokwo nanaeka. Saeya waibiyie bidiyar ywowa mi ta saeya naingwo tibmii kiina mi ta saeya naingwokwonanaeia Adi Komii siya saiirin yinkak saiirsayar nwowaiginiugin. Siya hiriinan asi tirkin, saeya bidi yaingwo tibmii kiina, digworaekwo whiekakim siya nimbinim biiya sima wa nimbiyami. Siya hiniina boinkikin, kowiir yiniieyim sima wi kasa kasa nwo rani. ¹²Mi ti inkamin siya waibiyie bidi ywowin. Mi siya wi yiniiekak nwo rani. Niingaka. Mi siirin wi Adi Komii siyar tirkii mi siya wi yinisim yinkamiyinar niyioninkini. Mi mhoiia kiriir piugana wi kasa kasa nwo rani, sima wi yabsiiyanan nwowi mi wi nauunim ninomor

kouanim sim hiniin nwowi. Mi iikamim simiir mwainim wi dig nwo rani. Niingaki niingakiinga.

¹³ Mi yim ti iikamim yim bidi yaonamim. Mi sima ina naingwo tibmii kiinim, ti digworaekwowim Adi Komii siya nimbinim siya tiram, simiiramin mi sima ti digworaekwowim Adi Komii siya boinim sima haiyam, sima simiir bi niki haigim. Mi ti digworaekwowim siya simiir hauuwam tirim, yim simiir niisiimauugin. Mi sima maigimaigra komii ti simiiramar nwowi. Dimusi rani, sima bidi yinokninkinim tiriiginim siya wa tirkii simiiramin. Mi sima hiniina boin, ti nuin, ti krime nwowin, yio krimiir nugi nu rani. Niingaka. Mi krime ti tir nwowim, ini inkamin nu op karamaeyin, hindara priyakiriririyin ini siir hiriinan nwowim.

¹⁴ Mi iikamim ti hiriinan yai boiniyim yim krimiir niisiimauugim. Sima ina niki idwo kaoyokiyokiyim, nu maeyau miyikamin sima nwowamin.

¹⁵ Sima kwoin karamaekim, omin sima nhin haiburgigin siiram swoki amim. Niingaka. Mi sima siiram swoki nhinami, siir swokini waiyuam, sima wi swoki nhinkisaekimrae rani. Niingaka. Sima wi hirar nwokripkaii. ¹⁶ Mi sima ti omki omin ninomor kou hir nwowin, omin Adi Komii siya nwowin, siir siiramar naingwokwonanaeikin. Mi ti omin ninomor kou hir nwowin, sima hiriyar naingwowi, ini ti omin nu tiranin ini siir haiburin. Mi sima ti omin ninomor kou hiranin siir siiramar naingwokwonanaei siir namim. Mi sima Adi Komii siir hiniina boinki, kira krimiir Adi Komii. Mi Adi Komii siya ta yai aiirsiyin bi nididgin. Niingaka. Mi Adi Komii siiramin minam naingwo tibmii kiini, siya om kibiyin simiiram bidi tirkwokinin, sima nini owouwam.

¹⁷ Bidi bidinanin Adi Komii siya Ebrahim siir kinankiugin. Mi siya Ebrahim siir hiniina boinki, wa kiriir yinisimin Aisakin siir disomaoki mi wraisunan kariir winkin imiiaeki. Mi Ebrahim siya ti yinisim nwiruwam Adi Komii siya niki imbinin siir ini wraisunan siir swoki inkin imiiaekiyin Adi Komii siiram. Mi Ebrahim siya pi naingwo tibmii kiingin mi siir kwoinin whirua ha nwokiyin mi siya hiriinan asi diriraerarkin siir yinisim iirin. ¹⁸ Biya Adi Komii siya Ebrahim siir hiniina boinkin. Mhoiya kiriir piugana komii nwowi mi kiriir piugankipiugan aiirin wi Aisak siir yinisimim simakisima nwo iski inigakin. ¹⁹ Ebrahim siir kwoinin whiruarigin, siya hiniina naingwokin. Adi Komii siya siir yinisimin Aisak siir wa swoki hidninsiin idwowi. Mi Ebrahim siya siir yinisim iirin ini Adi Komii siir yai aiirar wakaeyokna diriraerarin. Mi siya hiriinanar mi tirin, ini kaimwowa mi owin. Mi Adi Komii siya Aisak siir ina swoki hauugiyin siir adin Ebrahim siir. Mi Aisak siya naoni haniinaka, Adi Komii siya sibsibin ira hauukiyyugi mi Aisak siya bi naokin, ini ti sibsib ieya yao iskiyin.

²⁰ Aisak siir kwoinin whiruwam nwokin digworaekwowim Adi Komii siya nimbinim sima wa nimbiyami. Mi Aisak siya siir yinisim nwisoi

Jekop Iso sowiiramin ha nikiunain mi siya sowiirin piuai miyik miyikim ina yikiumamauuwim, siir kwoinin hiniina naingwo tibmii kiingin ti digworaekwowim wa nimbiyami.

²¹ Mi iriipi hiriinan Jekop siya Adi Komii siirim naingwo tibmii kiingin. Mi iya siya nao kingiin nwowin mi siir piuai miyik miyikim ina yikiumamaugikin Josep siir yinisim yinkamiyin nwisso sowiir. Mi siya siir paekopin siir ha haiyin mi siya ina hiiugu okwokiyin. Mi siya Adi Komii siirin ina yokboinmamaigiyin.

²² Mi Josep siya Adi Komii siiram naingwo tibmii kiingin digworaekwowim Adi Komii siya nimbinim sima wa nimbiyami. Mi iya siya naonam kingiin nwowin, siya siir yinisim imiirin hiniina boinmimauugik. Mi mhoyiya Adi Komii siya Isrel kimiir iikamim simiirin nu isib tiranki nikiunami mi ta ii aiirin sima kariir kiumwo imiirin wi warar hainop hainam. Mi maeyaua sima nini owiwi mi wi hir ti swoki haingikaiyiu.

²³ Mi Moses siir yopii ado sowawaiyin pi naingwo tibmii kiingo, Adi Komii siiramin. Mi siya sowiirwaiyin wa whindiriraeri. Mi mhoyiya yopiiya Moses siir naokainakiya mi sowawaiyar kigi yinisim yinkamiyin bimbiuwi rani. Mi sowawaiyin yaiya biya inkam komiiyin nu kigriraowiyin Pero siya boina yinisim yinkamiyin naokainaei mi wi disomsom aokao, sowawaiyin saiirsi bi nididko mi sowawaiyin ti yinisim iirin bi nisomaokin. Niingaka. Mi sowawaiyin ti yinisim iirin bwanim whoima haigiprakai.

²⁴ Moses siya Adi Komii siiram naingwo tibmii kiingin, siya hiniina naingwokin Adi Komii siya wi saika nwowi. Mi siir iikamim Isrelanim simiirin wi siyar whinkinsiis haiginiuwu nu Isib hir haiburgigamin. Mi mhoyiya siya komii namwo iuwu mi siya ini boriisopin sima siirin nu Isib hiran inkam komii nikiuwim. Mi inkam komii Pero siir yinisim yinugiyina saiir yinisim nikiuwim, yipika siir haigiyiu imiiaeya.

²⁵ Mi Moses siya iikamim Isrelranim Adi Komii siir isidin simaka nwowamar tiri mi hik simaka ninkin haiyama mini. Mi ta ii aiirin nu isib hiran iikamim sima hik prasae prasae bi hauugim mi siyu miyik bi mi tirkim, Isrel simiir iikam imiirin. Mi siya pi boriisopkin inkam komiinan nidwomamairim nu Isib hiran mi Adi Komii siirin digiumii haimriiyugigim. Mi ti siyu bibiye whiekakim yim ii priei maigimaigra rani. Niingaka. Yim simiirin ii haruwa saiirara maigimaigra mi siya ti siyu biye imiirin pi boriisopi. ²⁶ Mi siya hiniina naingwokin, Krais siya niti mi digworaekwo miyik miyikim siya siir iikam imiirin wa hauuni. Mi siir kwoinin hiniina naingwokin, siya siir iikamim Isrelranim simakar dinkin o. Mi siya Isib simiir iikam ima nigbumbuwa siir saiirsi bi naingwoymyokin. Whisarii rani, siya hiriyyar naingwo tibmii kani, siya hik Krais siir inig iir mi haiyin, ini mi owin. Siir kwoinin ha naingwokin

digworaekwo miyik miyikim Adi Komii siya siir hauwi, yim wi umir digworaekwowim nu Isib simiirim wi simiir haiburi.

²⁷Moses siya Adi Komii siiram naingwo tibmii kiingin. Inkam Komii Pero siya wi dig nwo rani, Adi Komii siirin. Mi siya asi haiburgin nu Isib siirin mi siya ina yamin, siya inkam komii Pero siya nwowa iowa siir siya sairsi bi nididgin. Mi Moses siya kwoin whisair bi nwokin siir kwoinin ini kirieya ywonamin, siya bidiya yinokninkinin Adi Komii siirin inkamki bi kigikin. Niingaka. Mi siir kwoinin hiniina naingwo tibmii kiingin, Adi Komii siya ini saika nwowin mi wi siirar whinkinsiisi. ²⁸Adi Komii siya Moses siirin hiniina boinki mi kira sibsib haomin ira hai mi siirin pa disomao mi siir nhieyim Isrel iikamim kimiir omaka ano migmig imiir srieiyou. Mi mhoyiya iya paekwosimin yinisim yinkamiyin yinaomiyinim sim nisomsom aowiyin Isib simiir yinisisim imiir siya niti mi siya nhieyim kimiir ano nwowim simiir kigi mi wi ti omakaim simiir iikamim kimiir yinisim imiirin wi wara nisomao rani. Mi Moses siya ta Adi Komii siir yai airam wakaeyokna naingwo tibmii kiingin. Mi ta ii airarin Moses siya ii komiia wou nikwo aeiya sairar nikwo ae bwakainakin.

²⁹Mi Isrel simiir iikamim sima hiriyar naingwo tibmii kiingim Adi Komii siiram, simiirin wi siyar whinkinsiis haiginiuwu, iya sima ta whii komiia solwara sima dapiya retsi saeya ninkiyakiyim mi sima wa nwoki apnaiidamim mirmiya. Ti haimii haimiyo ninkiyakiyo sowiir bopwowar. Mi sima siyiun iikamki napiyin opmin nokwo nheu karam nwowiyin siir hiriinan napnaiidamkim. Mi sima wi ta sairsi nao rani. Niingaka. Mi mhoyiya nu Isib hiran kamim ha swoki sunamim simiir nisomsom aokaowam mi ta opa ha swoki inaparnananiya, simiirin ini saeyar kairimdipu aokaokiyim.

³⁰Mi Isrel simiir iikamim sima hiriyar naingwo tibmii kiingim, Adi Komii siya simiirin wa whinkinsiis haiginiuwu, Jeriko simiir iikamim simiir hainurur haiginiuwim. Mi sima om Jeriko siirin iiyim iriyar kwisa yapyokiyokai. Mi mhoyiya simiirin Adi Komii siya whinkinsiis haiginiu. Mi hira om komii iir nidyokiyokaiya omomsi ina nhiimnhinkii iuguskiya. Mi sima ina yinsiin ansiininoop kainamim iikamim simiir nisomsom aokaowam. ³¹Mi wig ira Rehap nikiuwiya biya saeya hii nanaeyan wig nwoka mi saeya hiriyar naingwo tibmii kiinga, Isrel simiir iikam imiirin wi Adi Komii siya whinkinsiisi mi sima Jeriko simiir iikam imiirin wi yamdi kwiruwa sima simar hainurur haiginiuwu. Yio ti om komiyyin, ta wiga sairar om komiigin. Mi Isrel simiir inkam nwiso tirnankaiyam nimprio amwo sowiirin saeya haigiprakaigigo. Mi mhoyiya ti om komii Jeriko hiran iikamim Adi Komii siiram naingwo tibmii kiin karam nwowim simiirin sima hainwhrwoimginki. Mi sima ta wiga Rehap nikiuwiya sairarin wara bi ninkin haingim sairarin ini hiriyar haigwonaowida.

³² Mi kara iki niwii nhirim kimiirin pi wara boinmimauu rani. Niingaka. Mi kara kimiirin Gidion, Barak, Samson, Jepta, Devid, Samuel mi profet inkam ikim, kara simiir niwii iir boinmimauwi, pi haruwa haruwa namki rani. Niingaka. ³³ Mi ti kamim yim Adi Komii siiram naingwo tibmii kiingim mi sima iki omom omoman iikamim simiir asi hainurur haiginiugim. Mi sima siyiu miyik iirar tirhaiginiugin. Mi sima dimin taemin miyik miyikim Adi Komii siya nimbiniim simiirim, simiir asi haigim. Mi sima laion simiir yayim hiriinan asi mi okmwin tipkripkaigim mi sima simiir paniinsi mi aesi. ³⁴ Mi iikam nhirim naingwo tibmii kiin karamaeyim, iikamim naingwo tibmii kiinim simiirin sima kiyitkaigaiki paeya niudkwakwa sair. Mi simiirin paeke bi swoki iumiminkim mi ha bi naonamkim. Mi inkam nhirim simiir nisomaowamar tirkim mi sima ini yidamim. Mi sima, simiirin paniinsi yisomsom aokaosi. Mi ti kamim sima kirie karamaekim mi simiirin kirie Adi Komii siyar hauu haiginiugim. Mi iikamim omom omomanim sau sima ninit yokiyokiyamim. Mi simiirin sima hainurur haiginiuwim mi sima ina yidam ninoopkiyim. ³⁵ Mi wig nhirim naingwo tibmii kiinim, iya simiir yinkamkim naowiyim mi ta simiir naingwo tibmii kiina Adi Komii siya simiir yinkam imiirin sairsiyar swoki hidninsiin idwowi ie hirankin. Mi iya omomkim nitiyim, ti iikamim naingwo tibmii kiinim, simiiram mi simiirin, pi sima nini ipimpar onkwobumbuninkin haiginiugigi. Mi sima, simiirin pi hiniina boini, kima kimiir Adi Komiiyin digiumii siir haimriiyugigi mi krma kimiirin pi rirmiya nwoki mi yim ti iikamim naingwo tibmiyim, yim sima hiniina naingwokim, krma naonami, krma wi ie hirankar swoki insiin idwowi. Mi wi omwai Adi Komii saikar swoki waiyayokiyokwii. Mi sima ti simiir sau omomim pi simiir yai aiar swoki wakaeyokna rani. Mi sima Adi Komii siirin pi digiumii swoki haimriiyu mimin tani. Niingakiniingaka. Mi simiirin pi simiir sau omom imar nisomsom aokaoki. ³⁶ Mi iikam biye biyeyim, iikamim naingwo tibmii kiinim, simiirin pi sima nikbumbuninkin haiginiuwu mi sima, simiirin pi idgiuni mi ipimpari. Mi simiirin pa nonkwonami mi simiirin pi maeyau biye hiuyokiyokaiya mi biye miriia sair nini hiugripkiikaigigi. Mi simiir iga iin imiirin pi haini mi kogrimdinuwi. ³⁷ Mi nhirim sima, simiirin siiyani kaiyamik aoki mi nhirim yim bopwoniya hiugrimkripki hisraeni, mwo sa mi dinairin yio sa. Mi sima kamkiuwim ha mi ipimpar hampimpit aokiyim. Mi iikam nhirim naingwo tibmii kiinim, yim sibsib mi meme isim simiirrarar mi kaiyapririr. Mi sima hinda tinda hindarar priiyap whaowaeyamkim. Sima umir digworaekwo min karamaekim. Mi sima iikamim naingwo tibmii kiinim simiirin siyiu mwoni bi naphaiginiugim. Mi sima simiirin hik kimpipisu prasae prasae bi hauugim. Mi sima sibgu bi nwokim. ³⁸ Mi iikam nhirim naingwo tibmii kiinim, sima hindarar priiyap whaowae

whwonkaikaeyami iki maeyauwim iikam karamaeyim simiirar. Sima ti hiniin maeyauim sim whwonkaigiyamkim, mhiu, siyano mi ie minim sim, sima iikam bimbiuwi rani, ini iki iikam nhirim simiir haiburim mi sima ini digworaekwo karamae ywowim.

³⁹Mi ti iikamim Adi Komii siiram naingwo tibmii kiinim. Siya simiirin hiniina boinkikin, sima dimin whirmin whirminki bi swoki kimbugim. Mi sima inig komiigakim. Mi ti iikamim sima ti digworaekwowim Adi Komii siya nimbinim iikam krimiir hauuwam, sima simiir bi niki haigim. ⁴⁰Mi Adi Komii krimiir Wanin siya ti digworaekwowim simiir bi niki hauugim. Dimusi rani, siya ini digworaekwo nhirim ini simiir niki diriraerarin, ti siyiun biya sima napin siir haiburanim. Mi siya krimiirin dimin whirkin kimbu karamae sima nwowamar tiri, ta miya Krais siya miriia sairsi. Iriig.

**Mi kimiir nhwowim Jisis siirara kaoiski mi
siir siyiu hiriinankina dapiski.**

12 ¹Mi krime ini paniina nwowim? Mi ti iikam whiekakim bidi bidinanim naingwo tibmii kiinim Adi Komii krimiir Wanin siir yai wakaeyoknam mi kirie nwowim, kara niki boinmimauuim kimiir mi sima iikam kasa kasa rani mi sima krimiirar kigiyim mi krime iriipa hiriinan simiir siyiu hiriinana timi ap. Mi krime dimin taemin bibiyeyim krimiir nipiyaokiyim simiirin digumii haimriiyugig. Mi krime ti dimin biyeyim simiirin duguski mi krime rirmiia dwo mi krime iriipa hiriinan inkamin ninkininin niwitiyin siir hiriinan dwo, iia siya ninkikin iwitiyim, siya yuiskak bi ninkikin iwitikin, siya parurar niwitikin. Mi krime dimin biye imiirin duguski mi krimiir mhi kwoinim kirie dwo, Adi Komii siya nimbina miya krimiir sairamin. ²Krimiir nhwowim Jisis siirama kigninkwonam, krimiir naingwo tibmiiya sair biyin ini siyar ywowin mi tariinanin mi mhoiia iriipi hiriinan krimiir naingwo tibmii aiirin wi siyar digaiginiuwu mi wi siyar mi whinkinsiisi. Biya Jisis siya ha naingwokin mi ta nidid komiia kara haiya paeyin hiiniya nirioninkinin siir mi ta kara mi aonamaka ya dimin kabi rani. Mi whisarii rani, mhoiia kara wi maigimaigra komiigak nwowi, kara wi ipiia Adi Komii siir ina inig miya nwowa wi sair nidwowi, maeyaua inkam inigakim sim nidwowiya sair.

³Kima sibgu daingwo, inkam biyeyim siyiu biye tirim Jisis siir biya sima io siir nwowim mi sima siirin hik kimpipisu prasae bi hauugim. Mi siya Adi Komii siir siyiu miyik iirin ina yonkworinuwin mi siya ina yonkworinukripkaiyin. Mi kima ti siir siyiu iir daingwo, iia hik komii komiim kimiir nimbiyamiyim mi kima piugi kipi piyao mi kimiir mhi kwoinim opair kipi nwo. Niingaka. Kima Adi Komii siir siyiu miyik iirin donkworinukripkai. ⁴Mi iia siyiu biyeki kimiiram kinankiuwi mi

kima wa nirliyi boini mi kima wi nhiekaka nwowi sairsiiyin, aniya? Niingaka. ⁵Mi kimiir kwoinim ina yaingwo owouu iuguskiyim ti yayim Adi Komii siya kimiir boinkiiyim, kimiir whinkinsii haiginiuwam, aniya? Bidi bidiniya inkamin Yokwo Komii sair winin Adi Komii siir yai imiirin siya hiniina win boinkikin,

Kima kariir yinisisimkim, Biyan Inkam Komiiyin siya kigninkinki hikim kimiiram kima haiyam mi kima nwoki ididim dimin biyeyim kima tirim simiirsiiyin yio siya kiriirar grab haiginiuwi mi adin siir yinisimin igao yai siir boinaiginiuwiiyin mi siir hiriinan mi kima hikak kipi nwo mi piugi kipi mi piyao ti siyiin Adi Komii siya tiriiyin kimiirsiiyin. Mi kima ha kipi naingwo ti diminin yio dimin komii rani. Niingaka.

⁶Dimusi rani, iikamim Adi Komii siya simiiram naingwokwonanaeyim siya simiirin hik pa kigninkin haigi mi siya simiirin siyi miyikim pa niisiimauwi. Mi iikamim Adi Komii siya kigninkin haiiyim hik mi sima dinokninkin mi yim siirar yinisisimkim.

⁷Mi hiriinan kiniuwi kima dokworinu hikim Adi Komii siya kigninkinkiiyim kimiiram kima haiyam. Siya kimiirar grabaiginiuwi siir yinisimnan mi kima siir yai aiirar sibgu wakaeyokna. Mi ti hikim kima haiiyim, yim Adi Komii siya kimiir niisiimauwi kimiir whinkinsii haiginiuwam. Siya ha naingwowi kima siir yinisisim miyik nwowim mi kima siyi miyik dwo. Yipiki adkin siir yinisim iir tio karamae nwowin, ha? Niingaka. Ad nwirkin siir yinisim iir bi kigninkinkin, sima simiir yinisisim imiirin ha tiowikim. ⁸Ad whiekakim sima simiir yinisisimim pa sibgu grabi mi adim sima kimiir sibgu grab karam nwowi mi sima wi siir yinisim kiin nwo rani. Niingaka. Yim wi mwraomii yin nwowi.

⁹Mi krma ti siir daingwo mi krimiir adim nu tiranim sima krimiirin krimiir siyi biye imiirsiiyar grabaiginiuwikim. Krma simiirsi nwoki ididim mi krma wa ninokninkinim sima ini krimiir kou ywowim. Mi Adi Komii siya ini krimiir adim nuanim simiir haiburin mi ini kougikou siyar ywowin mi krimiir kwoinbudin omwai waiyayokiyokiiyin simiir adin yio Adi Komii siyairgin. Mi hiriinanki niuwi, krma siirar kigninkin krimiir siyi biyeyim krma tirim wi siyar nwoki grabaiginiuwim mi krma wi omwai saika nwoki waiyayokiyokiiyim. ¹⁰Krimiir adim nu tiranim sima krimiirin ii priei bi grabaiginiuwikim krimiir siyi biye imiirsiiyin iya krma yinisim sapisap nwowiiyim mi sima simiir kwoinairga naingwo diriraerarikim, siyi miyikin krma nwowamin siirin. Mi Adi Komii siya hiniin bi tirikin. Siya krimiirin siyi miyik iirar grabaiginiuwikin iinokiinokin mi siya krimiirin, wadiyar mi whindiraerar haiginiuwikin. Mi krma wi dimin whirki swoki kimbu rani, siir hiriinan. ¹¹Mi iya Adi Komii siya krimiir siyi biye imiirsi grabaiginiuwiiyim mi krma

hik prasae bi haigim. Mi ta ii aiirin krma mairgimairga bi nwowikin. Niingaka. Mi mhoiia ta siya graba krimiirin wi saeya whindiraerar haiginiuiwi siyiu miyikin. Mi krma wi wadieya nwowi. Mi krma wi iripar nongwomamair aekiyami. Iriig.

Mi krma wi mintarao Adi Komii siirin digiumii kipi haimriiyugig.

¹² Mi krimiir nhirim ini piyaowim Jisis Krais siir yai aiir wakaeyokna apim. Ini iikamim aru maeyauanki napnaniiyim mi igrib paimwo ignanaokak ha naokiyyim ini simiir hiriinan ywowim. Mi iia dimi biyieki kimiir nokwoniinwomwiirninkini mi kima wi kimasiyar kipi naingwoyimyokna. Mi kima Krais siir yai aiiramin wi haini wakaeyokna ap bwakainam kima tira saiir hiriinan. ¹³ Mi kimiir siyiuin kima tiriyyin sibgu mintirao piki hiniin siyiu ikin kima sibgu apanin ti nu iirin. Mi kima siyiu miyyik sibgu tiri mi iki iikamim aru maeyau namam minim sima kimiir swoki kigi, kima Adi Komii siir siyiu iir sibgu wakaeyokna api mi yim sima iriipi hiriinan Adi Komii siiramin wa mi aingowoi.

¹⁴ Mi kima iikam nhirmaka dongwomamair ae. Mi kima siyiuin Adi Komii siya naingwoyiyim kima napam siirarar dap iski. Dimusi rani, kima siyiu miyyik imiir sibgu ap karam nwowi kima wi Biyyan Inkam Komiiyin saika nwo rani. Niingaka. ¹⁵ Kima kimasiyar mintaraona wim wi iki dimi miyyik miyyikim Adi Komii siya diriraerar haiginkwokinin wi simiir hai karamae pi nwowisi. Mi inkam nwirki kimaka nwowi mi siya Adi Komii siir yai aiirin hindara nitkii iuguskii mi kimiirin siya yaeya yai nowimwarkaiyiuiwi mi yaeya siyiu biyie whir mi owimwarkaiyiuiwi mi kimiir iikamim sima siir yai aiir wakaei mi simiir naingwo tibmii kiina ha nitkiigii mi yio ti hiriinan siyiu biyie iir kipi tir. ¹⁶ Kima kimasiyar mintaraona kima hii hinda kipi priinanae priinanae. Mi kima ha kipi naingwo Adi Komii siir dimi taeminim yim dimi komii rani. Biya Isokin si tira saiir hiriinan. Niingaka. Siya ha naingwokin, ti yayim brougae Ebrahamni siya hauuwim yim yai komii rani. Mi siya dimi miyyik miyyikim siir ad ieya hauuwam tirim siir nomousimin siir asi kigninkin haigikin, ti diminim mi dimin kibi kibiyyim Adi Komii siya hauuwanim siir mhoiia, siya simiirin warar yinkin hauugi. Mi iia siya mhiigi naowa siir nomousimin naesim ha hauuwim mi siya ti dimin miyyik miyyikim simiirin ina hauuwim siir. Mi siir kwoinin hiriyar yaingwo ti naesisimin ini ti dimin miyyik miyyikim simiir haiburim. ¹⁷ Kima bidi yinokninkinin mhoiia siya ti dimin miyyik miyyikim simiir haiyam swoki tirin. Mi Aisak siir kwoinin Adi Komii siya hiurworwokai siya ti dimin miyyik miyyikim Iso siir kipi swoki hauu. Mi siya siirin hiniina boinki, kira wi dig nwo rani, kiriirin bidi kiyopsibgikikaigigin. Mi Iso siya siir ad iiramin nhami nhami bi nougin. Mi Aisak siir kwoinin Adi Komii siya hiurworwokaigin tiki dimin miyyikmiyyikim Iso siir kipi swoki hauu. Niingaka. Iriig.

**Mi krima Adi Komii siir yai aiir sibgu wakaeyoknaei,
krima wa nimbiyami mhiu Saiona hiriirin.**

¹⁸ Mi bidi bidiniyarín iya Adi Komii siir yaiya winwin kima wakaeya kima kimiir nhwoki kigim mi kimar bi wakaekim, Isrel simiir iikamim simiir hiriinan. Niingaka. Yim sima ti mhiuin Sainai nikiuwiyin siir nitkim. Mi ti mhiuin siir mhiu kiu hirin diminin ini paenan kou hirar niuyan. Mi mhiuin siir koua simar kigi waumir yhiuwinana siir kou hir nwowi ya ini niibwomambwonan ywonama. Opuđ naoki nindurunankainaiya ini hiniin ywowa. ¹⁹ Mi simar wakaeki, inkamin ti mhiu kiu iir nwowin kidin pi maskii. Mi ta saiir mhohiya, simar wakaeki, inkamin ti mhiu iir nwowin kauwok boinkiyin mi iya Isrel simiir iikamim sima ti inkamin mhiu kiu hir nokwo kauwokiya siir yai aiir wakaeyim, sima nidid prasae bi kinkim. Mi sima Moses siir boin, krima pi nididi siir yai aiir swoki wakaeyim. ²⁰ Mi sima nidid prasae bi kinkim Adi Komii siir yai aiirsiyin, siya kauwok boinkiya simiir saiirsiyin. Dimusi rani, siya hiniina boinkin, wig biye kam biye yinisim nwirkin mi wraisu biye irkin ti mhiuin siir kingiin niti mi siir napririri kima siirin wi siyani kaiyimik aoki. ²¹ Ti iikamim ti dimin iir kigim, sima nidid prasae prasae bi kinkim. Mi yio Mosesin hiriir yai mi boin, an kara iriipi hiriinan nidid prasae bi mi kinkin.

²² Mi wim kima ti iikamim ti tariinan Adi Komii siir yai aiir wakaeyokna apim, wim kima ti mhiuin siir bi nitkim, wim kima wi mhiu whirin Sainai nikiuwiyin siiram nitkim. Omin Adi Komii siya nwowin ninomor kou hir, sima ti om iirin ha dapikim om Jerusalem, omin paekwosim whiekakiwhiekakim iripa sima nongwomamair aeyin krima nitandin siir. ²³ Wim kima iki Adi Komii siir yinisim whiekakim simakar nitkim, yipiki siir dimin miyik miyik imiir haiyanim. Mi kima wi iripar nangiriyiuiwu mi wi maigimaigra komiigakar nwowi. Adi Komii siya kimiir inigim mi simiir inig ikim, siya bidi winim siir yokwowa ninomor kou hirana saiir. Mi siya ina ninokninkinin, yipikin siir yinisimin. Wim kima Adi Komii siiram bidi yitim. Adi Komiiyin siyairgin, yipikin iikam whiekakim simiir kigirkakanin. Mi iikam ombud komiiyin simiirin wi siyar hidi. Mi iikamim biyanim, yipiki biya Adi Komii siya boinim hiniin dimin whirki bi kimbugim sima wi saikar nwowi siir om iir. ²⁴ Kima Jisis siiram nitkim inkamin krimiir kaoprige okwowiya. Adi Komii siya yaeya kitibmii boin win hauugikin mi yio siya kimidiniya krimiir kwahauugi, krimiir whinkinsiis haiginiuwam Adi Komii saika krima nongwomamair aekiyamam. Siya bidiyar yaowin, siir nhie aeya naokiinaiiniam. Mi bidi bidiniyarín, inkam nwirin Ebel nikiuwiyin siya naowa mi siir nhieya ina mi aokiinainama. Mi Jisis siir nhieya ini Ebel siir nhieya saiir haibura. Mi Adi Komii siya Ebel siir nhie aiir kigiyin mi

siya Ken siirin io prasae prasae bi nwokin. Mi siya hiniina yaingwo, ti siyiu biyie hiriinanin Ken siya tirkiiyin yio miyik rani. Mi siya siirin siyiu biyie ina swoki tir haiginiuwun. Jisis siir nhieya Adi Komii siya krimiirin sairsiyar nanmaiwarekainakin.

²⁵ Kima kimasiyar mintirao wim wi yayim Kais siya boinmimauum kimiir simiirin wi digiumii pi haigingigisi. Biya Adi Komii siya ti mhiuin Sainai nikiuwiyin siir nokwowin mi siya siir yayim iikam imiirin hirar nokwo boinmimauugi. Mi iikam nhirim yim ti yayi imiirin ini yimiyuwim. Mi sima ta Adi Komii siya tirbumbu haiginiuwa simiir sairsi nidamim ini siyiu karam ywowin. Mi nim krime ta siya tirbumbu haiginiuwa sairsi mi idamim wi piki hiniin siyiuin si mi idami krime siir yayi aiiirin digiumii haimriiyuwi, ha? Niingaka. Siya Adi Komii siir omin ninomor kou hiranin siir hiranki nitkin, krimiir digworaekwo whiekakim simiir boinmimauuwam. Mi nim krime nidamni siyiu karamka. Niingaki niingakiinga. ²⁶ Mi biya iya Adi Komii siya mhiu Sainai hir nokwo boinmimauugiin siir yayi imiir, nu ini warar kiisiskiiyin. Mi tariinanin siya ini yaeya yayi kwir swoki bingikaiyin. Kara wi nu siirara tirkii rani, siya siyar kiisisam. Niingaka, kara wi nu ninomor sowirar tirkii mi wi sowar kiisiswowi. ²⁷ Mi ta yayi saeya hiniina boinka, kara wa swoki tiri, saeya krimiirin hiniina niisimauuga. Biyarin iya Adi Komii siya nu iir nonkwokwokiin mi mhoiia ti nu iir in mi digworaekwo whiekak iikim simiirin siya tirkii, sima wa kiisiskii. Mi digworaekwo whiekakim wa digiuguskii. Mi digworaekwowim iki wara kiisis karam nwowim, yim Adi Komii siya simiirin wi hiriirar kigninkin oki.

²⁸ Digworaekwo whiekakim Adi Komii siya krimiir hauuwanim yim ini siir om hirar nwowim, omin iikam whiekakim mi digworaekwo whiekakim simiir kigirkakiin siir. Mi yim ti digworaekwowim yim wi wara kiisiskii rani. Niingaka. Mi krime simiirsiiyin maigimaiga komiigakar dwo. Krime Adi Komii siir inigin asi hainanprapraskii. Krime siyiu miyikin siya naingwowyin krime tiram siirsi hainan prapraskii. ²⁹ Mi krime wi hiriinan digworaekwowim simiir asi tiri. Dimusi rani, krimiir Adi Komiiyin siya ini paenan ywowin digworaekwo whiekakim pi siyar niugisinki. Mi digworaekwo whiekakim maigimaiga siir nwoaiginiu karam nwowiyim, simiirin wi siyar niugisin iuguski. Iriig.

Kima krimiir akamim simiiram naingwokwonanaei.

13 ¹ Mi kima kimiir akamim Kais siirim, simiiramim hiriirar daingwokwonanaei. ² Kima iikam nhirim om whiranki nitiiyim simiirin igi haigi idwokaigi. Dimusi rani, biya iikam nhirim sima ti hiriinan siyiuin siir bidi tirim. Sima bi ninokninkinkim ti inkamim igi sima haigi idwokaigiyim yim paekwosim imairgim Adi Komii siir om hiranki nitkim. Mi iya sima kimiir omaka nitiiyim kima

ninokninkin karamaeka. Niingaka. ³Mi kima iki iikam nhirim maeyaua hiuyokiyokaiya saiir hiugripkiikikaigiyim, simiirsiiyin naingwoyimyok prasae kipi kin. Kima hir wara ninkin oni haniinaka. Mi kima iki iikam nhirim iikam nhirkim nonkwobumbuninkin haiginiuwiiyim simiirsiiyin naingwoyimyok prasae kipi kin, kimar haini haniinaka, ta hika.

⁴Kima ha daingwo onkworinunani nonkwonani siyiuin yio siyiu biyie rani. Mi kima nonkwonani, siyiuin siir kipi haiburgik. Mi hii kipi priinanaeyam. Dimusi rani, kima ti hiriinan siyiu biyie iir tiri, kimiirin wi Adi Komii krimiir Wanin siya hidi.

⁵Kima umir hoimgak haiyim kipi kigmair. Diminin kima haiiyin kima hiniina daingwo, yio ini mi owin. Dimusi rani, Adi Komii siir yaiya Yokwo Komii saiir nwowa saeya hiniina boinkika. Kara wi kimiir haiburgig rani. Mi kimiirin wi digiumii haimriiyugig rani. Niingaka. Kimiirin wi karar mi kigriraowi. ⁶Adi Komii siya ta hiriinan yaiya minam boinkikin, krime nwoke inokninkinim. Adi Komii siya ini krimaka kingiina nwowin. Mi krime iraka nwiraka kingiin dwo. Mi krime hiniina boin,

Krimiirin Biian Inkam Komii siya whinkinsiis haiginiugin. Mi krime siyiu biyeyin iki iikam ima tiriin krimiir, siirsiiyin kipi nidid.

⁷Mi kima iikamim biianim simiiram ti swoki aingwoki. Krimiirin simar sibgu kigriraokim mi kimiirin sima Adi Komii siir yai miyik miyik imiirar boinmimauugim kima dimin taeminim sima tirim mi siyiuin sima sibgu apim Adi Komii siir yai aiir siiram ti swoki aingwoki. Mi wim kima ti siyiu hiriinanin sima tirin siirar timi ap. ⁸Mi kima Krais siir yaiya biya kima wakaeya saiir sibgu wakaeyokna ap. Dimusi rani, Jisis Krais siya wi hiriirar nwoyokiyokiii, iinokiinokin siya wi wara kisina rani, yaeya nwowamin. Niingaka. Mi siir yaiya siya mi boinmamauuwa saeya wi wara kisina rani, yaeya, wi hiriirar mi okripkaigi. ⁹Mi kima kimiir kwoinim kipi kiwaki, iki yaipai yaipaiyim iikam nhirkim sim boiniyim biya kima waka kamae nwowim kimiir kwoin imiir kiyaiyamin, yim sima minam tiri, kima Adi Komii siir yai kibiya digiumii saiir haigingigim. Mi iki dimin miyik miyikim Adi Komii siya tirim, kimiir whinkinsiis haiginiuwam. Yim minam tirkim kima Adi Komii siir yai aiir nwoke wakaeyokna apim. Kima tira saiir hiriinan. Mi ti yaipai iki iikamim sima boinmimauuim naeni siyiuin si, yim dimin komii rani. Mi ti hiriinan siyiuin siir tiriim, yio Adi Komii siir yaiya saiir bi sibgu onkworinuwikin. Niingaka. Adi Komii siir naingwobumbuwa krimiirin wi saeyar whinkinsiis haiginiuwi, kima sibgu okworinuwamin.

¹⁰Jisis siya paeyin hiiniya nirioninkinin siirin minam naokin, kimiir nanmaiwarkainaim. Mi iikamim sima Moses siir yaiya

saiir wakaeyoknaei mi wraisu hirii hiriiyar nisomsom aokao ninkinimiiyaenanaei Adi Komii siir, ya hiniinga, ta Jisis siya naonama paeyin hiiniya nirioninkinin si wi dig di nwowi, simiir dimin biye biyeyim simiir haiyopriimdiyumiigiyim. Mi sima hirii hiriiyar tiri mi ta Jisis Kraisi siir miya simiir whinkinsis haiginiuwim wi dig nwo rani. Simiir dimin biyeyim simiir haiyopriimdiyumiigiyim. Niingaka. ¹¹ Mi prismi biyan inkam komiiyin siya pi wraisu nhieyim sim nisomsom aokaowim, pi simiir haii. Mi siya ti nhie imiir haiiyin mi siya pa napninopkainami Adi Komii siir maeyaua hiuyokiyokaiya dimin whirmin whirminki kimbu karam nwowa saiir hiriir, maeyaua Adi Komii siyar nwowiya saiir. Mi siya ti nhieyim pi hii idwo hir nini haiginiuwi, dimin biyeyim iikam ima tirim simiirsi. Mi ti prismi biyan inkam komiiyin siya wraisu imiirin pris inkam nhirim simiir hauugii, sima nani anagiuwim, om komii siir yaba maeyaua sima niinanakninkina saiir. Mi ti dimin Kraisi siya tirin, yio iriipi hiriinanaargin. ¹² Mi Jisis siya omin Juda iikam sima nwowiyin siir yaba hir naokin, maeyaua sima niinanakninkina saiir. Mi siir nhieya ha naokiinainiya mi iikam krimiir dimin biye biyeyim saeyar yiinaki. Mi krimiirin wi dimin whirki kimbu karamae saeya nwoki owaiginiuwim siya maeyau bwaekii idowiiya hir naokin. Dimusi rani, wraisu sima naoni haniinaka, tasi siyar nao iskiyin. Mi siya siir piu ailar ninkinimiiyaekin Adi Komii siirin. ¹³ Krima biyin iikamim simiir yai imiir kipi wakaeyokna yayim biya Adi Komii siya hauuwim, Mosesni. Krima Kraisi siir yai imiiram arar dinmiininkin kripkai. Dimusi rani, tiki iikamim biya Moses siir yai ailar wakaeyokna apim, sima Kraisi siir nikwowaigiyim. Mi siirin, sima yisomkiyitkaigi. Mi iikamim, krimiirin wi hiriinan siyu biye iilar mi tiri biya Kraisi sima tira saiir hiriinan. Yio tiriiginin yio dimin komii rani. ¹⁴ Krima dimin taeminim biya Moseski si napim simiirsi kipi nidid simiir haiburgigsi. Kima dimin taeminim simiirin haiburgig. Dimusi rani, ti nu iirin, krima om karamaeka krima nwoyokiyokiiyim. Mi om kibiyin Adi Komii siya diriraerarin mhoiia krima nwoyokiyokiiyanin krima siiramar nwowi. ¹⁵ Mi krima iinokiinokin maigimaiga dwonanae. Mi Adi Komii siir inig iilar dokboin praprasnanae. Mi siir inigin siir timi boinmamaau iki iikam nhirim simiir. Dimusi rani, ti dimin komiiyin Kraisi siyar tirin siirsi. Mi ti dimin hiriinanin krima tiriyim krimar hauunaeyim yim ini wraisuim Adi Komii, krima ninkinimiiyaeyim ini simiir hiriinan ywowim. ¹⁶ Mi iinokiinokin kima irni nwirni whinkinsisam daingwo. Yio ti hiriinan siyu kibiyin yio ini nae kibi kibiyim iikamkim sim ninkinimiiyaeyim Adi Komii maigimaiga siya nwowam ini simiir hiriinan ywowin.

¹⁷ Kima kamim yipiki kimiir bii nwowiyim mi kimiir kigiraowiyim simiir yai imiir sibgu wakaeyokna ap. Mi sima kimiir kigiraowi mi

kimiir whinkinsiis haiginiuwi. Mi mhoiia simiirin wi Adi Komii siya hidi siyiun sima kigriraowin siirsi. Mi kima simiir yai imiir sibgu wakaeyoknaei mi sima ta miia kimiir kigriraowiya saiirin wi nwoki sibgu kigriraowim. Mi kima simiir yai imiir wakaeyokna karam nwowi mi simiirin digiumii haimriiyugigi mi sima ta mii aiiramín, wi maigimaigakak nwo rani. Mi sima wi kimiir whinkinsiis rani, Krais siir yai imiir wakaeyokna apim kima tira saiir hiriinan.

¹⁸ Kima Adi Komii siiramín krimiir whinkinsiis haiginiuwamin, hirii hiriyyar kwisboinanae. Dimusi rani, kríma dimin biyie whir bi tirbugin. Mi kríma wi nididgak ha nwo rani. finokiinokin kríma siyiu miyikin, siirarar mirii ninkiyaenanaeikin. ¹⁹ Kara kimiirin dimusi boinwirwirikripkai rani. Kara minsi boinwirwiri, kima Adi Komii siiramín hoimgak kwisboinanae kariir whinkinsiis haiginiuwamin, kimiir swokini kignakisasauim.

**Kima Adi Komii siiram kwisboin iikam
krimiir whinkinsiis haiginiuwim.**

²⁰ Adi Komiiyin yipikin iikam krimiir nwo haiginiuwiyin hisranua Jisis siirin ie hiranki siyar hidninsiin idwokin. Mi siya ini omwaiyar swoki waiyain. Mi siirin siya yokmwín okwo haiginiu, krimiir Biiyan Inkam Komii nwowam. Inkamin sibsib kigriraowiyin siir hiriinan. Mi siirin siya nokmwín okwo haiginiugin krimiir kigriraowam. Dimusi rani, biia siya bidiyar yaonamin. Mi siir nhieya bidiyar yaokiinaiiniya krimiirsi, ya tariigina ya kitibmii boina biyana Adi Komii siya nimbingika ya saiir kirie haiginiugika. Mi ta Adi Komii siir yaiya ya wi hiriyyar nwoyokiyokiikaeyami iinokiinokin saeya wi siir kwoin iir kisina haigi rani. Niingaka. ²¹ Kara ha naingwowi Adi Komii siya dimin miyik miyikim wi kimiir nwoki hauuwim kimiir whinkinsiis haiginiuwam. Mi kríma wi digi digar niki owim dimin taeminim siya boinim kríma tiram mi kara ha naingwowi Jisis Krais siir kirieni miia siya naingwowa kima miriia saiirin wi siya nwoki whinkinsiis haiginiuwim. Mi kríma Jisis Krais siir inig iirin iinokiinokin hiriyyar hainananae. Kaimwoka. Iriig.

Nikopkaigian yai aeya.

²² Ti kariir akamim, kara kimiirin minam boinkikin, kima ta yaiya saiirin sibgu wakae ta yaiya kara kimiiram winkiya saeya yai priei rani. Ta yaiya kara winkiya ya kimiir kwoin imiir whinkinsiis haiginiugika. ²³ Mi kara ha naingwowi kima whiekakarín dinokninkin, krimiir akam kibiyyin Timoti, kam biyieyim sima siirin maeyaua hiuyokiyokaiya saiir hirankar nonkwo iuguskikin. Mi siya kariir oma tiriirin nimbinisasauugiswo mi siirin wi kara pi yikunaniyyin kimiir nini kignakiyamin.

²⁴Kima iikamim kimiir kigriraowiyim mi iikamim naingwo tibmii kiin ikim kimiir warauranim kima simiir dokboinmamair. Mi krimiir akamim nu Itali hiranim yipiki Krais siir yai aiir wakaeyokna apiyim, yim sima iriipi hiriinan kimiir mi okboinmamaigikim.

²⁵Adi Komii krimiir Wanin siir naingwobumbuwa ini kimakar nwowa. Iriig.